



Broj: 02-04-2-109/25  
Maglaj, 23.01.2025. godine

### Z A P I S N I K

sa 3. redovne sjednice Općinskog vijeća Maglaj  
održane dana 23.01.2025. godine u 16:00 sati u Sali Općinskog vijeća  
JU Dom kulture «Edhem Mulabdić» Maglaj

**Predsjedavajuća Aida Bašić:** Na osnovu člana 59. Poslovnika o radu Općinskog vijeća Maglaj, zaključaka Kolegija od 16.01.2025. godine, otvaram 3. redovnu sjednicu Općinskog vijeća Maglaj. Na današnju sjednicu pozvani su vijećnici iz parlamentarnih političkih stranaka: SDP, SDA, DF, SNAGA NARODA, PDA, BH ZELENI i NAPRIJED BH. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona.

Sve vas selamim i pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata. Molim predstavnicu Službe Općinskog načelnika i Općinskog vijeća da prozivkom vijećnika utvrdimo broj vijećnika na 3. redovnoj sjednici Općinskog vijeća Maglaj. Današnjoj sjednici Općinskog vijeća prisustvuju 24 vijećnika. Nije prisutan vijećnik Elmedin Ramić. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo i verifikaciju zapisnika sa 2. redovne sjednice Općinskog vijeća, ima li primjedbi? Nema, ko je za verifikaciju? Ukoliko nema primjedbi zapisnik savljam na verifikaciju, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajčić, Edin Salatović, Alen Ridžal, Amer Musić, Eldis Kušur (SDA), Damir Bašić, Firuz Galijašević, Jasmin Duhera, Samir Petić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Nema.

Konstatujem da smo jednoglasno verifikovali zapisnik sa 2. redovne sjednice Općinskog vijeća Maglaj. Prije nego otvorim raspravu po pitanju Dnevnog reda, pozivam članove Kolegija na kratki sastanak Kolegija, pozvala bih i Farisa Habibovića da nam se pridruži. Evo nakon kratke sjednice Kolegija nastavljamo dalje. Konstatujem da je vijećnik Ramić Elmedin prisutan na sjednici. Sada otvaram raspravu po pitanju Dnevnog reda. Evo pitat ću vas da li ima prijedloga za proširenje ili dopunu Dnevnog reda? Ukoliko se niko ne javlja ja ću ispred Kolegija Općinskog vijeća Maglaj predložiti dopunu Dnevnog reda sa tačkom Prijedlog Odluke o utvrđivanju javnog interesa i prijedlog je da ovo bude tačka broj 3. Ako nema više prijedloga za proširenje i dopunu, onda bih ovu tačku koju je Kolegij predložio stavila na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salátović, Alen Ridžal, Amer Musić, Eldis Kusur, Elmedin Ramić (SDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIED BH), Nesib Serhatlić (PDA).

**Glasalo protiv:** Nema.

**Uzdržanih:** Nema.

Konstatujem da smo sa 25 glasova za proširili Dnevni red. Sada ću pročitati kompletan Dnevni red koji ću staviti na glasanje.

## DNEVNI RED

1. Operativni Budžetski/Proračunski kalendar za izradu i donošenje Budžeta/Proračuna Općine Maglaj za 2026. godinu i Dokumenta okvirnog Budžeta/Proračuna za period 2026-2028. godine
2. Prijedlog Odluke o prosječnoj konačnoj građevinskoj cijeni 1 m<sup>2</sup> korisne stambene površine na području općine Maglaj za 2025. godinu
3. Prijedlog Odluke o utvrđivanju javnog interesa
4. Prijedlog Odluke o visini i načinu isplate naknada općinskim vijećnicima, predsjedavajućeg, zamjenika predsjedavajućeg i naknada članovima radnih tijela Općinskog vijeća Maglaj za 2025. godinu
5. Prijedlog Odluke o raspodjeli sredstava za finansiranje političkih stranaka zastupljenih u Općinskom vijeću Maglaj za 2025. godinu
6. Prijedlog Odluke o visini naknade za rad članovima Općinske izborne komisije Maglaj za 2025. godinu
7. Prijedlog Rješenja o imenovanju komisija Općinskog vijeća Maglaj
  - a) Rješenje o imenovanju Komisije za statutarne pitanja, Poslovnik i propise;
  - b) Rješenje o imenovanju Komisije za pitanje mladih i ravnopravnost polova;
  - c) Rješenje o imenovanju Komisije za društvene odnose, odnose sa vjerskim zajednicama, boračko-invalidska i socijalna pitanja;
  - d) Rješenje o imenovanju Komisije za obrazovanje, nauku, kulturu i sport;
  - e) Rješenje o imenovanju Komisije za poljoprivredu, vodoprivredu i šumarstvo;
  - f) Rješenje o imenovanju Komisije za zaštitu kulturno-historijskog i privrednog naslijeđa i turizma;
  - g) Rješenje o imenovanju Komisije za privredu, prostorno uređenje, urbanizam i zaštitu okoliša;
  - h) Rješenje o imenovanju Komisije za obilježavanje značajnih događaja i ličnosti iz historije Maglaja;
  - i) Rješenje o imenovanju Komisije za zaštitu ljudskih prava, predstavke i pritužbe građana;
  - j) Rješenje o imenovanju Etičke komisije časti;
  - k) Rješenje o imenovanju Komisije za dodjelu javnih priznanja;
  - l) Rješenje o imenovanju Komisije za utvrđivanje tržišne vrijednosti na imovinu, naslijeđe i poklon;
  - m) Rješenje o imenovanju Komisije za procjenu prometne vrijednosti nekretnina;
  - n) Rješenje o imenovanju Drugostepene stručne komisije
8. a) Prijedlog Rješenja o razrješenju člana Komisije za izbor i imenovanja  
b) Prijedlog Rješenja o imenovanju člana Komisije za izbor i imenovanja

8. Prijedlog Rješenja o razrješenju člana Upravnog odbora Javne ustanove „Centar za Socijalni rad“ Maglaj
9. Prijedlog Rješenja o razrješenju člana Upravnog odbora Javne ustanove Dom kulture „Edhem Mulabdić“ Maglaj
10. Izvještaj o radu Općinskog pravobranilaštva za 2024. godinu
11. a) Izvještaj o radu Općinske izborne komisije Maglaj za 2024. godinu  
b) Program rada Općinske izborne komisije Maglaj za 2025. godinu
12. Informacija o stanju na klizištu u naselju Mladoševica MZ Novi Šehar, općina Maglaj

Vijećnička pitanja i inicijative

**Predsjedavajuća Aida Bašić:** Pročitani Dnevni red stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusr, Elmedin Ramić (SDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili predloženi Dnevni red za 3. redovnu sjednicu Općinskog vijeća Maglaj.

**AD 1. Operativni Budžetski/Proračunski kalendar za izradu i donošenje Budžeta/Proračuna Općine Maglaj za 2026. godinu i Dokumenta okvirnog Budžeta/Proračuna za period 2026-2028. godine**

**Predsjedavajuća Aida Bašić:** Tačka 1. Operativni Budžetski/Proračunski kalendar za izradu i donošenje Budžeta/Proračuna Općine Maglaj za 2026. godinu i Dokumenta okvirnog Budžeta/Proračuna za period 2026-2028. godine. Otvaram raspravu, da li nam je potreban uvodničar? Želite li uvodničara? Ne želite. Da li se neko javlja za riječ? Vijećnica Mustabašić Armina, izvolite.

**Vijećnica Armina Mustabašić:** Želim prvo da vas sve pošaljam i pozdravim i da vam poželim uspješan rad na ovoj sjednici Općinskog vijeća. Što se tiče prve tačke Dnevnog reda, Klub vijećnika SDA je saglasan sa Operativnim Budžetski/Proračunski kalendarom za izradu i donošenje Budžeta/Proračuna Općine Maglaj za 2026. godinu i Dokumenta okvirnog Budžeta/Proračuna za period 2026-2028. godine jer je sam Budžetski kalendar propisan Zakonom o budžetima u FBiH i po tom istom kalendaru se priprema i usvaja Budžet za narednu godinu ali i Dokument okvirnog budžeta za period od 3 godine.

**Predsjedavajuća Aida Bašić:** Hvala lijepo. Da li se još neko javlja za riječ? Ukoliko se niko ne javlja za riječ, zatvaram raspravu i tačku 1. stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusr, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

Konstatujem da smo usvojili ovu tačku.

## ZAKLJUČAK

1.1. Donosi se Operativni Budžetski/Proračunski kalendar za izradu i donošenje Budžeta/Proračuna Općine Maglaj za 2026. godinu i Dokumenta okvirnog Budžeta/Proračuna za period 2026-2028. godine.

### **AD 2. Prijedlog Odluke o prosječnoj konačnoj građevinskoj cijeni 1 m<sup>2</sup> korisne stambene površine na području općine Maglaj za 2025. godinu**

**Predsjedavajuća Aida Bašić:** Prelazimo na tačku 2, a to je Prijedlog Odluke o prosječnoj konačnoj građevinskoj cijeni 1 m<sup>2</sup> korisne stambene površine na području općine Maglaj za 2025. godinu. Da li nam je potreban uvodničar. Jeste, evo ja ću zamoliti Farisa da nam se obrati.

**Faris Habibović:** Prije svega s ove govornice želim da vas prvi put pošalim i pozdravim. Želim vam zajedno sa mnom uspješnu saradnju, ja ću se truditi da ispred svoje službe uvijek budem na dispoziciji svim građanima a i svim vijećnicima iz svih političkih partija. Kao što je predsjedavajuća kazala, druga tačka Dnevnog reda je Prijedlog Odluke o prosječnoj konačnoj građevinskoj cijeni 1 m<sup>2</sup> korisne stambene površine na području općine Maglaj. Zajedno sa službom smo pripremili Odluku jer u suštini Općinsko vijeće Maglaj je dužno u skladu sa odredbama Zakona o građevinskom zemljištvu u obavezi do 31. marta tekuće godine donijeti Odluku o prosječnoj građevinskoj cijeni 1m<sup>2</sup>, napominjem da je to u prethodnoj 2024. godini bilo 900,00 KM. služba je postupila na način da smo poslali upite građevinskim firmama koje gravitiraju na teritoriji naše općine, evo konkretno Alu Wood Inžinjeri, DKM Gradnja, Conning AG d.o.o. Maglaj, Zanati d.o.o. Maglaj, MVS Gradnja d.o.o. Maglaj. Svi su nam odgovorili na vrijeme, donosno 4 firme su odgovorile na vrijeme. Naknadno je MVS gradnja d.o.o. Maglaj odgovorila na isti naš upit. Mi smo to dostavili Vijeću možda ću pogriješiti datum 16.01. Tako da članom 66. Zakona o građevinskom zemljištu propisano je da kao osnovica za izračunavanje rente služi prosječna konačna građevinska cijena iz prethodne godine po m<sup>2</sup> korisne stambene površine na području naše općine. Alu Wood Inžinjeri je dostavio svoju cijenu koja iznosi 700,00 KM plus PDV, DKM gradnja svojim aktom je dostavila nama isto cijenu od 1.100,00 KM plus PDV, Conning AG d.o.o. Maglaj je svojim aktom 14.01. dostavio svoju ponudu i kazao da je to 1.160,00 KM, ja pretpostavljam da su oni mislili ovdje na neto plus PDV. Zanati d.o.o. Maglaj su svojim aktom dostavili 15.01. kazali su da je to 854,70 KM plus PDV, a MVS gradnja je dostavila naknadno sad ću vam to pročitati, oni su stavili da je to 787,00 KM plus PDV. Toliko, ukoliko bude još nešto tu sam.

**Predsjedavajuća Aida Bašić:** Hvala Farise. Otvaram raspravu. na zahtjev Kluba SDA pauza 5 minuta nastavljam dalje, rasprava je otvorena, da li se neko javlja za riječ? Vijećnik Nesib izvolite.

**Vijećnik Nesib Serhatlić:** Poštovana predsjedavajuća, poštovani načelnice, cijenjene kolege vijećnici, predstavnici općinske administracije, mediji i gosti, sve vas srdačno šalim i pozdravljam. Da vam pravo kažem ja se nisam ni mislio javiti po ovoj tački jer u dosadašnjoj praksi, onako kako smo donosili ovu cijenu metra kvadratnog mislim ne drži, ne pije vode a evo zašto. U obrazloženju službe stoji da su upućeni zahtjevi na 4,5,6 firmi građevinskih koji rade na području općine Maglaj i tim firmama je ostavljeno koliko ja znam dan ili dva vremena, da one daju svoje prijedloge a šta mislite da su te firme sve dogovorile što je zajednički interes da napišu da je cijena 500 maraka, svih 5 firmi. Šta bi mi ovdje donosili, kakvu odluku i zaštita nam trebaju ti parametri i te cijene koje nam firme neke serviraju. Od ovih 5 firmi smatram da je jedna ili dvije su relevantne da daju svoje prijedloge a ostale uopće ne rade izvođenje stanova i ne prave zgrade.

Praksa ova koja se provlači u proteklih 20 godina, mislim da nije dobra i evo ja ću predložiti da ubuduće ovo sad moramo kako nam je predloženo. Ubuduće, predlažem da se ova cijena, da mi dodemo na sjednicu Vijeća sa predloženom cijenom koju će formirati Služba za urbanizam. Znači, Služba za urbanizam ima stručne kadrove, ima inženjere, ima sve potrebne predispozicije da napravi realnu i kvalitetnu i adekvatnu procjenu i da nam da taj prijedlog. Znači, da prestanemo sa ovim ja ovo nazivam evo 5 firmi svi dali, saberite svih tih 5 firmi i podijelite za 5 i dobit ćete prosječnu cijenu. Je li to to, ili je to neka politička odluka ili ćemo mi slijediti povećanje rasta plata i ne znam troškova cijena stanova itd. Evo ja nisam za buduću praksu da se na ovakav način određuje građevinska cijena m<sup>2</sup> stana na općini Maglaj nego da nam to servira služba i da mi na osnovnu tog obrazloženja službe i na osnovu tih procjena mi donosimo svoje mišljenje i svoj sud oko toga, zahvaljujem.

**Predsjedavajuća Aida Bašić:** Hvala lijepo. Vijećnik Edin Salatović izvolite.

**Vijećnik Edin Salatović:** Ja koristim priliku da vas sve poselamim i pozdravim, pa kažu uzimajući u obzir podatke koje smo dobili od firmi koje se bave izgradnjom na području općine Maglaj i konstatno povećanje cijena po kvadratu stambenog prostora, Klub vijećnika SDA predlaže da visina prosječne građevinske cijene 1m<sup>2</sup> korisne stambene površine na području općine Maglaj za 2025. godinu iznosi 1.000,00 KM. Također se slažemo sa prijedlogom kolege Serhatlića i mislimo da zaista treba ovo na drugi način rješavati u narednom periodu. Hvala.

**Predsjedavajuća Aida Bašić:** Hvala lijepo, vijećnik Arif izvolite.

**Vijećnik Arif Mujkanović:** Iskoristit ću priliku također da pozdravim sve u sali prisutne i vijećnicima da zaželim uspješan rad. Odgovorit ću samo kolegi Serhatliću mi od firmi i ne tražimo, od firmi se samo traži mišljenje znači da pokuša Općina sa dobrom praksom da pokuša da vidi otprilike koje su to relevantne cijene a Općinsko vijeće donosi Odluku. Dolazimo do toga da i mi sada tražimo otprilike šta misli sama služba, koja bi to bila cijena, jesu li imali svoja razmišljanja, Slažem se sa cijenom kolege Salatovića. 1.000,00 KM je neka realna cijena, samo jedino što mi je zaparalo uši ne bih se složio da ove firme nisu ipak ima relevantnih imena, da nisu kao stručni. Maid arhitekta je jedno vrhunsko ime u arhitekturi, ipak on je dao ponudu sa stručne strane i vjerujem da ta ponuda i znači i ima neku snagu njegovog mišljenja. Hvala lijepo.

**Predsjedavajuća Aida Bašić:** Hvala lijepo, vijećnik Firuz Galijašević izvolite.

**Vijećnik Firuz Galijašević:** Pozdravljam sve prisutne, pa evo i ja sam razmatrao prijedloge od ovih firmi koje su došle, možemo se sjetiti 2023. godine cijena je bila 820,00 KM, 2024. godine 900,00 KM. 2023. godine prodajna cijena 1m<sup>2</sup> stana je bila negdje oko 1.500 maraka, sada je prešla 2.000 i to debelo. Tako da moj prijedlog ovo sada govorim svoj prijedlog, bi bilo možda i najrealnije ove cijene koje su predložili DKM Gradnja i Conning AG da to bude negdje oko 1.100 maraka.

**Predsjedavajuća Aida Bašić:** Hvala lijepo, da li se još neko javlja za riječ? Ukoliko nema više diskutanata, pauza na zahtjev Kluba SDP-a. Nastavljamo dalje, imate li neki stav, izvolite.

**Vijećnik Firuz Galijašević:** Evo nakon konsultacija u Klubu SDP-a došli smo do neke trenutno možda realne cijene neka i naš bude prijedlog 1.000 maraka.

**Predsjedavajuća Aida Bašić:** Hvala lijepo. Obzirom da nema više diskutanata, stavit ćemo pristigle prijedloge na glasanje. Prijedlog Kluba SDA je bio 1.000 KM, znači visina prosječne konačne građevinske cijene 1m<sup>2</sup> korisne stambene površine za 2025. godinu, a kako ste čuli i Klub SDP-a je također predložio isto. Firuze, Vi ste imali svoj lični prijedlog, povlačite ga uredu. Znači jedna i drugi Klub su predložili 1.000 KM po 1m<sup>2</sup>. Pa stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić

(SNAGA NARODA), Mustafa Mehmedović (BH ZELENI), Kenan Burić ( NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili prijedlog da cijena 1m2 korisne stambene površine bude u 2025. godini 1.000 KM. Sada ćemo glasati i za Odluku o prosječnoj konačnoj građevinskoj cijeni 1 m2 korisne stambene površine na području općine Maglaj za 2025. godinu, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alep Ridžal, Amer Musić, Eldis Kusur, Elmedin Ramić (SDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić ( NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili ovu Odluku, uz iznos od 1.000 KM.

## ZAKLJUČAK

2.1. Općinsko vijeće Maglaj utvrđuje visinu prosječne građevinske cijene 1 m2 korisne stambene površine na području općine Maglaj u iznosu od 1.000,00 KM;

2.2. Donosi se Odluka o prosječnoj konačnoj građevinskoj cijeni 1 m2 korisne stambene površine na području općine Maglaj.

### AD 3. Prijedlog Odluke o utvrđivanju javnog interesa

**Predsjedavajuća Aida Bašić:** Prelazimo na tačku broj 3. Prijedlog Odluke o utvrđivanju javnog interesa. Da li nam je potreban uvodničar? Jeste, Farise izvolite.

**Faris Habibović:** Još jednom vas srdačno pozdravljam, treća tačka Dnevnog reda je Prijedlog Odluke o utvrđivanju javnog interesa a radi se o utvrđivanju javnog interesa za izgradnju putne infrastrukture, odnosno saobraćajnica u poslovnoj zoni Novi Šeher, Čifluci. Općinsko pravobranilaštvo na prijedlog Službe za urbanizam, geodetske i imovinsko pravne poslove je podnijelo prijedlog za donošenje Odluke o proglašenju javnog interesa za izgradnju putne infrastrukture, odnosno saobraćajnica unutar poslovne zone Novi Šeher, Čifluci, MZ Novi Šeher, općina Maglaj, na onovu glavnog projekta poslovna zona Novi Šeher, izvođač Constrakt projekt d.o.o. Zavidovići iz 2022. godine a to je urađeno sve u skladu sa izmjenama i dopunama Urbanističkog reda Novi Šeher Maglaj iz septembra 2009. godine kojim je tretirana ta poslovna zona, koja ima svoju površinu od 7,55 hektara i ista se nalazi uz sami regionalni put od Novog Šehera prema Kopicama, ono gdje su Kapice prema dole rijeci Liješnici. Prema glavnom projektu predviđene su servisne saobraćajnice, ovo dole je taj regionalni put, gore iznad je rijeka Liješnica i predviđene su servisne saobraćajnice ova prva desno je glavna, a ovo su pomoćne saobraćajnice. Ovo predstavlja izvod iz tog glavnog projekta. Na sljedećim slajdovima bit će prikazane ove izmjene i dopune. Ovo je znači izvod iz izmjene i dopune Urbanističkog reda Novi Šeher Maglaj iz septembra 2009. godine, čime je jasno utvrđeno da postoji ta poslovna zona Novi Šeher, Čifluci. U Novom Šeheru imaju tri poslovne zone, a mi konkretno govorimo o Čiflucima. Na sljedećim slajdovima su prikazani situacioni plan, parcelacija i zoning sadržaj koji su izvođeni iz glavnog projekta. Ovo je situacioni plan gdje su predstavljene zone kojima će se vršiti određene djelatnosti, također ja sam na jednom slajdu možda se to sada najbolje i ne vidi ali sa GOOGLE mapsa sam uzeo da pokažem tačno gdje stoji ta zona u odnosu na Novi Šeher, u odnosu na onu piličaru tamo uz cestu Novi Šeher Kopice, odnosno Čobe i ona se proteže znači od Kapica gore dole do rijeke

Liješnice, čisto da imate vizualno da vidite kako ona izgleda. Shodno odredbama Zakona o eksproprijaciji član 14. stav 4. potrebno je proglasiti javni interes na nekretninama koje su u ovoj odluci prikazane u članu broj 1. koje su predmet saobraćajnice, po prethodnom spomenutom glavnom projektu, Općinsko vijeće ja sam uzeo informaciju i ovu Općinsko vijeće Maglaj je donijelo Odluku o osnivanju poslovne zone Novi Šeher na sjednici održanoj 06.04.2017. godine kada su proglašavane poslovne zone i u Misiričima i u Liješnici. Tada je proglašena i poslovna zona u Novom Šeheru, tako da su ispunjeni svi potrebni zakonski uslovi da se proglasi javni interes za izgradnju saobraćajnica. U tački 1, kao što sam i kazao ove Odluke utvrđivanje javnog interesa obuhvaćeni su svi dijelovi nekretnina koje tretira izgradnja putne infrastrukture, odnosno saobraćajnica unutar poslovne zone. S tim u vezi po usvajanju ove Odluke služba će odmah pristupiti ka potpunoj eksproprijaciji predmetnih nekretnina. Potrebno je napomenuti da Općina Maglaj ima već zaključen ugovor o dodjeli poticajnih finansijskih sredstava u sklopu projekta izgradnje poduzetničkih zona sa Federalnim ministarstvom razvoja poduzetništva i obrta u visini od 130.000 KM i mi bi smo upravo taj novac iskoristili i ona su baš namjenska sredstva za eksproprijaciju zemljišta kako bi mi mogli krenuti u rješavanje imovinsko pravnih odnosa u toj oblasti. U narednom periodu pošto to nije dovoljno novca da eksproprijemo svu trasu saobraćajnica mi ćemo se truditi da kroz razne projekte i ponovo nalazimo, naravno i Općina će predlagati da bude to uvrštavano u Budžet, da eksproprijemo zemljište za saobraćajnicu a isto tako u razgovoru sa kolegom Nerminom Bešlićem sam, on je već krenuo u pronalazak određenih sredstava vezano za izgradnju te saobraćajnice. Ukoliko, imate nekih pitanja ja bih odgovorio na njih.

**Predsjedavajuća Aida Bašić:** Hvala Farise, otvaram raspravu da li se neko javlja za riječ? Vijećnik Đuhera izvolite.

**Vijećnik Jasmin Đuhera:** Pozdravljam sve prisutne, obzirom da sam u proteklom mandatu bio neko ko je davao inicijative na ovu temu, dakle drago mi je da evo konačno krenule aktivnosti ka izgradnji poslovne zone u Novom Šeheru i moj stav lični i stav Kluba SDP-a je da ćemo podržati ovu Odluku. Hvala.

**Predsjedavajuća Aida Bašić:** Hvala lijepo. Da li ima neko još za diskusiju. Ukoliko nema zatvaram raspravu te tačku 3. stavljam na glasanje ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili ovu tačku.

## ZAKLJUČAK

3.1. Donosi se Odluka o utvrđivanju javnog interesa.

**AD 4. Prijedlog Odluke o visini i načinu isplate naknada općinskim vijećnicima, predsjedavajućeg, zamjenika predsjedavajućeg i naknada članovima radnih tijela Općinskog vijeća Maglaj za 2025. godinu**

**Predsjedavajuća Aida Bašić:** Prelazimo na tačku 4. Prijedlog Odluke o visini i načinu isplate naknada općinskim vijećnicima, predsjedavajućeg, zamjenika predsjedavajućeg i naknada



članovima radnih tijela Općinskog vijeća Maglaj za 2025. godinu. Na zahtjev Kluba DF-a pauza izvolite. Nastavljamo dalje, rasprava je otvorena tačka 4. da li se neko javlja za riječ? Vijećnik Ridžal izvolite.

**Vijećnik Alen Ridžal:** Koristim priliku da vas sve srdačno pozdravim, Ova Odluka predstavlja zakonsku obavezu ovog Vijeća i donosi se na godišnjem nivou. Važno je istaknuti da visina paušala i naknada za vijećnike ostaju nepromijenjene u odnosu na prethodnu godinu. Isto tako naknade za rad u komisijama zadržane su na istom nivou bez ikakvih izmjena. S obzirom na zakonsku obavezu i kontinuitet ove prakse Klub vijećnika SDA će podržati donošenje ove Odluke.

**Predsjedavajuća Aida Bašić:** Hvala lijepo. Da li se još neko javlja za riječ? Zamjenica predsjedavajuće izvolite.

**Vijećnica Aida Hadžić:** Evo da pozdravim vas sve prisutne i prošle godine smo imali sličan prijedlog, ove godine smo trenutno u takvoj situaciji pošto je na snazi Odluka o privremenom finansiranju ne možemo mijenjati ništa, Klub DF-a smatra da su naknade za rad članova komisija niske, da se nisu mijenjale najmanje 8 godina, možda i duže, i da razmotrimo nakon usvajanja ili prije usvajanja Budžeta možda probamo to ukalkulisati u Budžet da se povećaju naknade bar za 20 % članovima komisija.

**Predsjedavajuća Aida Bašić:** Hvala lijepo. Da li se još neko javlja za riječ? Ukoliko nema, evo samo da napomenem da je u prijedlogu ove Odluke napravljena jedna tehnička greška a to je član 6. i umjesto riječi odsustvo piše prisustvo na dva mjesta tako da se i ovo uvaži i da se ispravi. Ukoliko nema više diskutiranja zaključujem raspravu, te pauza na zahtjev Kluba SDP-a. Možemo nastaviti dalje, rasprava je zaključena tako da tačku 4. stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARJED BH), Nesib Serhatlić (PDA).

**Glasalo protiv:** Nema.

**Uzdržanih:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).

Konstatujem da smo usvojili ovu tačku.

## ZAKLJUČAK

4.1. Da se u članu 6. stav (1) Odluke riječi prisustvo zamjeni u odsustvo i u stavu (2) riječ prisustvovanje zamjeni u odsustvovanje.

4.2. Donosi se Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg i naknada članovima radnih tijela Općinskog vijeća Maglaj za 2025. godinu.

## AD 5. Prijedlog Odluke o raspodjeli sredstava za finansiranje političkih stranaka zastupljenih u Općinskom vijeću Maglaj za 2025. godinu

**Predsjedavajuća Aida Bašić:** Prelazimo na tačku 5. a to je Prijedlog Odluke o raspodjeli sredstava za finansiranje političkih stranaka zastupljenih u Općinskom vijeću Maglaj za 2025. godinu. Otvaram raspravu, da li se neko javlja za riječ? Vijećnik Ramić izvolite.

**Vijećnik Elmedin Ramić:** Poštovana predsjedavajuća, dopredsjedavajuća, poštovani načelnice, kolege vijećnici i ostali prisutni i gosti želim sve da vas srdačno poselamim i pozdravim pošto prvi put izlazim za govornicu. Što se tiče tačke 5. Prijedlog Odluke o raspodjeli sredstava za finansiranje političkih stranaka zastupljenih u Općinskom vijeću Maglaj za 2025. godinu, shodno Zakonu o finansiranju političkih stranaka članom 3 i članom 7 i njima pripadajućim aktima i



podaktima Općinsko vijeće Maglaj donosi Odluku o raspodjeli sredstava za finansiranje političkih stranaka koje su zastupljene u Općinskom vijeću Maglaj a na osnovu Odluke o privremenom finansiranju Općine Maglaja za period 01.01.-31.03.2025. godine prema kojoj se 30 % sredstava jednako raspoređuje svim parlamentarnim grupama političkih stranaka, 60 % od ukupnog iznosa se raspoređuje parlamentarnim grupama političkih stranaka srazmjerno broju vijećničkih mjesta koje svaka parlamentarna grupa ima u trenutku raspodjele i 10 % od ukupnog iznosa se raspoređuje parlamentarnim grupama srazmjerno broju vijećničkih mjesta koje pripadaju manje zastupljenom spolu. Što se tiče Kluba vijećnika SDA mi ćemo podržati ovu tačku.

**Predsjedavajuća Aida Bašić:** Hvala doktore. Da li se još neko javlja za riječ? Ukoliko nema više vijećnika za diskusiju, zatvaram raspravu te ovu tačku stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).  
Konstatujem da je tačka dobila potrebnu većinu.

## ZAKLJUČAK

5.1. Donosi se Odluka o raspodjeli sredstava za finansiranje političkih stranaka zastupljenih u Općinskom vijeću Maglaj za 2025. godinu

**AD 6. Prijedlog Odluke o visini naknade za rad članovima Općinske izborne komisije Maglaj za 2025. godinu**

**Predsjedavajuća Aida Bašić:** Prelazimo na tačku 6. a to je Prijedlog Odluke o visini naknade za rad članovima Općinske izborne komisije Maglaj za 2025. godinu. Otvaram raspravu, da li ima vijećnika koji se javljaju za diskusiju. vijećnica Maida Burajić, izvolite.

**Vijećnica Maida Burajić:** Još jednom sve da pozdravim. Kada je riječ o naknadi za rad članovima Općinske izborne komisije, da napomenemo da visinu naknade određuje Centralna izborna komisija BiH i to u visini odnosno u iznosu neto iznosu od 210,00 KM za izborne jedinice u kojima je u izvodu iz Centralnog biračkog spiska upisano do 50.000 birača gdje spada i općina Maglaj. Sredstva će se obezbjediti u skladu sa Odlukom o privremenom finansiranju Općine Maglaj za period od 01.01 do 31.03.2025. godine. S obzirom na to da je ova Odluka u skladu sa Centralnom izbornom komisijom Klub vijećnica SDA će podržati ovakvu Odluku.

**Predsjedavajuća Aida Bašić:** Hvala lijepo. Da li ima više diskutanta, ukoliko nema zatvaram raspravu te tačku stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

**Glasalo protiv:** Nema.

**Uzdržanih:** Damir Bašić, Firuz Galijašević, Jasmin Đuhera, Samir Fetić, Selver Mahmić, Eldin Mehinagić, Arif Mujkanović, Adin Obralić, Almin Smailović, Senad Šehić (SDP).  
Konstatujem da je tačka dobila potrebnu većinu.

## ZAKLJUČAK

6.1. Donosi se Odluka o visini naknade za rad članovima Općinske izborne komisije Maglaj za 2025. godinu

### AD 7 Prijedlog Rješenja o imenovanju komisija Općinskog vijeća Maglaj

**Predsjedavajuća Aida Bašić:** Prelazimo na tačku 7. a to je Prijedlog Rješenja o imenovanju komisija Općinskog vijeća Maglaj. Obzirom da je sa nama tu predsjednik Komisije za izbor i imenovanje i ja ga molim da nam da uvodnu riječ vezano za tačku 7.

**Vijećnik Eldis Kusur:** Sve vas selamim i pozdravljam. Želim nam svima ugodan rad i da danas ako Bog da ovaj posao privedemo svi kraju. Kao što ste dobili u materijalima Komisija za izbor i imenovanje je provela procedure shodno Poslovniku o radu i Statutu Općine Maglaj, te smo 19.12.2024. godine svim političkim partijama dostavili poziv da dostave svoje prijedloge za radna tijela, to jeste za komisije koje imenuje, to jeste čiju Odluku o imenovanju donosi Općinsko vijeće. Političke partije su dostavljale svoje prijedloge, održali smo sjednicu 06.01.2025. godine gdje smo kontatovali da SDP nije dostavila svoje prijedloge za radna tijela, za komisije. Gdje smo jednoglasno donijeli zaključak da se ostavi rok SDP da dostavi do 13.01.2025. godine prijedloge za komisije i s tim u vezi član ispred SDP-a gospodin Senad Šehić je podnio ostavku na mjesto člana Komisije za izbor i imenovanje. Mi smo kao komisija samo primili k znanju, tu njegovu ostavku jer mi nismo nadležni da razmatramo i da donosimo Odluke o prihvatanju ili ne prihvatanju te ostavke. U ostavljenom roku do 13.01.2025. godine SDP nije nam dostavio prijedloge kako bi se popunila određena mjesta u Komisijama i Komisija za izbor i imenovanje na čijem sam ja čelu je uz konsultacije sa drugim političkim partnerima popunila te komisije i danas vi u materijalima imate sve te prijedloge za komisije, tako da ja kao predsjednik komisije i komisija predlaže da se danas za sve komisije glasa u paketu i predlažemo da danas na Općinskom vijeću potvrdimo sve te komisije i imamo u 2 komisije prilikom kucanja desila se tehnička greška i u Komisiji za statutarna pitanja piše Adis Mehinagić a treba Adisa Mehinagić i tražio bih da se ispravi i u Komisiji za procjenu prometne vrijednosti nekretnina piše Erna Hodžića treba Erna Hadžić. Tako da se tu ispravke naprave i evo stav Komisije za izbor i imenovanje je da se prihvate predložena rješenja za komisije i da nastavimo raditi dalje.

**Predsjedavajuća Aida Bašić:** Hvala lijepo. Vijećnik Firuz izvolite.

**Vijećnik Firuz Galijašević:** Kao što sam rekao na Kolegiju prije sedam dana u četvrtak Klub SDP-a nije dostavio svoje prijedloge za komisije iz prosto tehničkih razloga i to sam objasnio na Kolegiju. To je naš problem nije vaš. Rekao sam na Kolegiju da ćemo mi svoje prijedloge dostaviti na samoj sjednici Vijeća. U Poslovniku ne vidimo nigdje da mi to ne možemo i zbog toga smo spremili sada sve prijedloge za komisije i ja ću vam ih pročitati. Prijedlozi SDP-a za članove komisija Općinskog vijeća Maglaj, Komisija za statutarna pitanja, Poslovnik i propise tu nećemo nikoga predložiti jer ova trenutna većina je pokazala da se Statut Općine Maglaj u članu 25. nije poštovao na samoj prvoj sjednici Vijeća prilikom izbora predsjedavajućeg. Komisija za pitanje mladih i ravnopravnost spolova predlažemo Jasmin Đuhera, Komisija za društvene odnose, odnose sa vjerskim zajednicama, boračko invalidska i socijalna pitanja Eldin Mehinagić, Komisija za obrazovanje, nauku, kulturu i sport Damir Bašić i Melisa Kruško, Komisija za poljoprivredu, vodoprivredu i šumarstvo Samir Fetić, Komisija za zaštitu kulturno historijskog i privrednog naslijeđa Arif Mujkanović, Komisija za privredu, prostorno uređenje i urbanizam i zaštitu okoliša Firuz Galijašević i Anida Šahman, Komisija za obilježavanje značajnih događaja i ličnosti iz historije Maglaja Elvir Arnautović, Komisija za zaštitu ljudskih prava, predstavke i pritužbe

građana Edisa Šehić, Etička komisija Sanja Pavlić, Komisija za dodjelu javnih priznanja Admir Ahmetbegović, Komisija za utvrđivanje tržišne vrijednosti na imovinu, naslijeđe i poklon Adin Obralić, Komisija za procjenu prometne vrijednosti nekretnina Jasmina Alić, Drugostepena stručna komisija Dženana Gračić. Nadamo se da će ova većina u Vijeću prihvatiti ove naše prijedloge, ako se sjetite da u prošlom mandatu SDA je čak imala i tri predsjednika komisija. Ovdje nismo tražili ni jednog predsjednika.

**Predsjedavajuća Aida Bašić:** Hvala lijepo, mogu li dobiti taj papir. Vijećnik Kenan izvolite.

**Vijećnik Kenan Burić:** Ja vas sve srdačno pozdravljam, mene samo zanima par pitanja pa ako može vijećnik Eldis da mi odgovori. Vidim da u Poslovniku o radu Vijeća ima 12 komisija a ovdje imamo tri komisije koje nisu unešene u Poslovnik pa me zanima da li se to treba ažurirati ili u čemu je problem, to su Drugostepena stručna komisija, Komisija za utvrđivanje tržišne vrijednosti i Komisija za procjenu prometne vrijednosti. Ja ih nisam vidio, pa me samo to zanima. Što se tiče naša dva člana koja su prebačena iz jedne komisije u drugu, niko nas nije obavijestio putem maila, već je samo telefonski ili porukom, pa bi za ubuduće bilo fino da nas obavijestite mailom da sve imamo dokaz da možemo odlučivati kao predsjedništvo. Još jedna stvar za komisije kad se daju prijedlozi da li ima određen kriterij ko može biti u tim komisijama i na osnovu čega se to biraju. Mene zanima, nikog ne vrijeđam ničiju stručnu spremu već me samo zanima na osnovu kojih kriterija se biraju ti članovi u pojedine komisije.

**Predsjedavajuća Aida Bašić:** Hvala lijepo. Da li ima još vijećnika za diskusiju? Ukoliko nema evo predsjednik će dati odgovore a tu je i Emina svakako da pojasni.

**Vijećnik Eldis Kusur:** Po prvom pitanju imamo stručnu osobu koja sjedi s nama to je Emina Hasanić i ona će vam obrazložiti što se tiče Poslovnika o radu. Sve što smo uradili smo uradili po instrukcijama službe. Mi smo tražili shodno ranijem periodu i shodno instrukciji službe mi smo poslali prema svim političkim partijama zahtjev da oni dostave prijedloge za određene komisije. Što se tiče drugog pitanja ja sam kao predsjednik Komisije za izbor i imenovanje čuo se sa vašom predsjednicom Meškić Ferzadom i ona mi je dala saglasnost da se izvrši prebacivanje komisije, dvije osobe u drugu. Prijedlozi vaši su došli za određene komisije, međutim Komisija za izbor i imenovanje je procijenila da neke druge osobe iz drugih političkih partija trebaju biti u tim komisijama. Treće pitanje je, ja koliko znam prvi put mislim da nema kriterija sem dvije komisije ove za procjenu, te dvije imaju zakonom tačno definisano. To je to. Ostala imenovanja kao što su Upravni i Nadzorni odbori tu imaju kriteriji a što se tiče radnih tijela mi nemamo ni u Statutu a ni u Poslovniku o radu kriterije za određena imenovanja komisija.

**Predsjedavajuća Aida Bašić:** Hvala vijećnik Eldis što je obrazložio, Emina izvolite i Vi dodatno svakako.

**Emina Hasanić:** Sve vas selamim i pozdravljam. Ja ću pokušati odgovoriti na pitanja vijećnika Kenana Burića, što se tiče možda neću ići redom ali eto. Što se tiče kriterija Poslovnik o radu član 34. kaže da broj struktura članova radnih tijela, evo pročitat ću radna tijela Općinskog vijeća imaju predsjednika, zamjenika i određeni broj članova koji se biraju iz reda vijećnika. Radna tijela mogu imati u svom sastavu i članove koji nisu vijećnici, odnosno spoljni članovi a koji su stručni u oblasti koja je u nadležnosti radnog tijela. Komisija samo za izbor i imenovanje ne može imati spoljne članove. S obzirom, kriterij koji se moraju ispunjavati su da osobe koje su imenovane odnosno koje su date kao prijedlozi za članove komisija moraju imati određenu struku. U svojim prijedlozima ja mislim da niko nije obrazložio koje su struke ti članovi. Što se tiče imenovanja komisija poredanih u Poslovniku o radu, činjenica je da nemaju ove tri komisije. Ove dvije Komisije za procjenu i Drugostepena stručna komisija. Drugostepenu stručnu komisiju propisuje Statut Općine Maglaj gdje kaže također u članu 34. Statuta Drugostepenu stručnu komisiju obrazuje Vijeće iz reda stručnih lica, koji ne moraju biti izabrani vijećnici. Komisija broji 3 člana mandat traje dvije godine. Odluke komisije su konačne i protiv istih se ne mogu koristiti redovna pravna sredstva. Znači, Statut je krovni akt same Općine. Što se tiče ovih komisija za procjenu one

su zakonima svojim regulisane, znači gdje je naznačeno u obrazloženju samom dato je ja mislim jer sam ja obrađivač tih akata, dato je ko donosi te Odluke, odnosno ko imenuje te članove u ti zakonima je naznačeno da to radi Općinski načelnik, odnosno Općinsko vijeće. Mislim s obzirom, da su to komisije Općinskog vijeća evo po meni, moje lično mišljenje trebalo bi da budu s obzirom da je već trebalo da se radi o izmjeni Poslovnika o radu. Bilo bi lijepo možda čak kada budemo radili novi Poslovnik o radu da se uvrste i te komisije kao radna tijela Općinskog vijeća. Nadam se da sam odgovorila.

**Predsjedavajuća Aida Bašić:** Hvala Emina. Da li ima još diskutantata. Nema evo prije zaključenja rasprave pauza na zahtjev Kluba SDP-a- nastavljamo dalje, rasprava još uvijek nije zaključena po tački 7. Da li ima vijećnika za diskusiju, predsjednik Komisije za izbor i imenovanje još jednom da nam se obrati izvolite.

**Vijećnik Eldis Kusur:** Ja vas opet ponovo sve selamim i pozdravljam, Komisija za izbor i imenovanje kao što sam maloprije rekao u svom izlaganju je sve političke subjekte pozvala da dostave prijedloge za radna tijela u Općinskom vijeću, u materijalu ste dobili svi obrazloženje decidno i sve fino piše kad, šta i kako je trebalo da se dostavi. SDP nije dostavio svoje prijedloge po jednom pozivu, po drugom pozivu i danas izlaze da daju prijedloge za radna tijela. U članu 36. Poslovnika o radu tačka 3. piše fino imenovanje stalnih radnih tijela i broj članova predlaže Komisija za izbor i imenovanje nakon prethodno obavljenih konsultacija sa političkim strankama i koalicijama zastupljenim u Vijeću a Odluku donosi Općinsko vijeće. Danas imamo čin taj da Vijeće donese Odluku o imenovanju komisija. Smatram kao predsjednik i komisija smatra da smo mi u potpunosti kao komisija ispoštavali Poslovnik. Jednom smo pozvali pismenim putem sve političke subjekte koji participiraju u Općinskom vijeću da dostave svoje prijedloge. Političke partije su dostavile, SDP nije dostavio prijedlog. Drugi put smo dostavili ponovo na komisiji koju smo održali 06.01.2025. godine smo utvrdili da SDP nije dostavio prijedloge za radna tijela i opet smo donijeli zaključak da tražimo od SDP-a da dostavi svoje prijedloge do 13.01.2025. godine jer je Kolegij bio odmah sutradan i SDP opet nije dostavio. Meni je žao što se s ovim pitanjem politizira, ali trebam biti iskreni u par navrata to jeste jednom sam sreo predsjednika Kluba vijećnika SDP-a što je neformalno, neformalan razgovor i kazano je da oni sigurno neće predložiti, dati prijedloge za radna tijela u komisijama zato što smatra da su naknade male. Mi nismo dobili prijedloge i ja pozivam Općinsko vijeće da danas glasa o prijedlogu Komisije za izbor i imenovanje jer smo u potpunosti ispoštovali Poslovnik o radu, ispoštovali smo sve odredbe koje su utvrdile način predlaganja to jeste izbora radnih tijela u Općinskom vijeću i opet pozivam da se za ove Komisije glasa u paketu.

**Predsjedavajuća Aida Bašić:** Hvala lijepo. Vijećnik Firuz replika a zatim vijećnik Šehić Senad.

**Vijećnik Firuz Galijašević (replika):** Koliko načina komunikacije postoji između Službe Općinskog vijeća i Komisije za izbor i imenovanje? Poslali ste mailove, da našli smo ih kasno. Zvali ste, ja vam nisam slagao ništa. Zvali ste na telefon nije vam se niko javio, znači da niste uspjeli dobiti nikoga od nas. Gdje smo mi to prekršili Poslovnik samim dostavljanjem naših prijedloga danas na samoj sjednici. Što se tiče neformalnog razgovora, ne sjećam se da sam rekao da nećemo dostaviti prijedloge. Dakle, to je bio neformalni razgovor i ne sjećam se da sam rekao da nećemo dostaviti prijedloge iz bilo kojeg razloga. Tako da, mislim da što se tiče samog Poslovnika ništa nismo pogriješili, Odluku donosi Općinsko vijeće, mi smo dostavili na vrijeme svoje prijedloge, nismo dostavili poslije sjednice nego na samoj sjednici. Tako da eto toliko za sada.

**Predsjedavajuća Aida Bašić:** Hvala lijepo, vijećnik Senad izvolite.

**Vijećnik Senad Šehić:** Obzirom, da prvi put izlazim sve vas srdačno pozdravljam. Ovako replika kolegij Eldisu Kusuru, dakle kada se nešto želi lomiti preko koljena i politizirati kako on kaže imali smo skoro primjer na jednoj od prethodnih sjednica kada smo na samoj sjednici jel tako formirali nekakve kriterije, pa dobili prijedloge pa izglasali itd. govorim o ovom privremenom Upravnom

odboru Doma zdravlja. Dakle, evo ponovit ću još neke riječi zapisivao sam sebi ovamo neke stavke, ponovit ću ovo što je rekao i naš šef Kluba dakle e-mail nije jedini način komunikacije i da kažem da je nešto pravno valjano, dakle imali smo tehničkih problema kolega je to objasnio na samom Kolegiju, dakle imamo problema već duži niz mjeseci, nemamo tehničkog sekretara, kancelarija jednostavno ne funkcioniše, dakle nemamo osobu tamo koja je angažovana u radno vrijeme. Priznajem ja sam napravio najveću grešku što sam podnio ostavku prije završetka ovog posla pa sam samim tim ostao uskraćen da svojim kolegama pružim blagovremene informacije. Dakle konsultacije, sa nama niko se sa nama nije konsultovao, jer smo bili spriječeni dakle da razmatramo prijedloge da ih dajemo jer je jednostavno nismo na vrijeme dobili taj poziv i na kraju krajeva kod nas postoje neka pravila. Organi stranke odlučuju o nekim stvarima što kaže kolega Firuz, kasno smo vidjeli to priznajemo, naša je greška ali ja smatram da je opravdane prirode. Ovo što je rekao kolega Firuz, nismo jednom na sjednici Vijeća predlagali i usvajali. Dakle, Vijeće je to koje daje konačan sud i na kraju krajeva ono što je nama Poslovnikom zagantovano to tražimo. Lijepo piše na osnovu broja mandata. Hvala.

**Predsjedavajuća Aida Bašić:** Hvala. Da li ima više vijećnika za diskusiju? Vijećnik Kusur.

**Vijećnik Eldis Kusur:** Ne znam jesam li bio nejasan, ja sam samo kazao da je Komisija za izbor i imenovanje ispoštovala u potpunosti Poslovnik o radu. Sada što vi imate tehničkih problema, meni je žao, mi smo blagovremeno poslali na e-mail poziv, zahtjev za dostavu prijedloga za radna tijela, drugi put usmeno govorili da se treba dostaviti. Žao mi je što je kolega Šeha, Senad Šehić dao ostavku na mjesto člana Komisije za izbor i imenovanje, jer sam bio u proteklom periodu član te komisije i imali smo dobru saradnju. Ja kolega Firuze ako ste me dobro slušali, ja sam rekao najvjerovatnije, nisam rekao da neće, nego da ćete najvjerovatnije i to nije isto. Uglavnom komisija kojom ja rukovodim, koje sam predsjednik je u potpunosti ispoštovala Poslovnik. Vi kao vijećnici imate svoja poslovnička prava, tako da ni u jednom momentu nisam ništa rekao da nemate pravo. Komisija za izbor i imenovanje je postupila u skladu sa Poslovnikom, danas imate naš prijedlog i to je to.

**Predsjedavajuća Aida Bašić:** Hvala. Replika vijećnik Firuz.

**Vijećnik Firuz Galijašević (replika):** Isto tako znam da niko ni od nas nije rekao da je komisija kriva. Niko nije ni jednog trenutka rekao da je komisija kriva i da nije radila u skladu sa Poslovnikom. Isto tako, ni mi nismo radili u suprotnosti sa Poslovnikom i mi smo dostavili svoje prijedloge na vrijeme i tražimo da se ispoštuje naše.

**Predsjedavajuća Aida Bašić:** Hvala lijepo, da li ima više vijećnika za diskusiju? Vijećnik Obralić izvolite.

**Vijećnik Adin Obralić:** Zahvaljujem predsjedavajuća. S obzirom da se prvi put javljam sve vas srdačno selamim i pozdravljam. Ne znam da li će to biti kraj diskusije, samo jedno pitanje za predstavnika Službe Općinskog vijeća, gospodu Hasanić ili ko želi da odgovori. Da li je Poslovnikom o radu definisan rok za dostavljanje prijedloga za sastave komisija i da li se dostavljeni prijedlozi sastava komisija koje smo dobili u materijalu u skladu sa članom 36.stav 1 Poslovnika o radu. Hvala.

**Predsjedavajuća Aida Bašić:** Hvala. Emina izvolite.

**Emina Hasanić:** Što se tiče roka, rok nije određen Poslovnikom o radu, komisija je smatrala s obzirom na period od momenta kada su dati prijedlozi, odnosno prvobitno kada su se tražili prijedlozi pa do momenta održavanja sjednice komisije pa od momenta održavanja sjednice komisije do same sjednice Općinskog vijeća smatrali su da je taj period nekakav korektni period, s obzirom da ja opslužujem tu komisiju korektni period da bi se na vrijeme ispoštovalo. Drugo pitanje baš nisam razumjela, ako nije problem.

**Vijećnik Adin Obralić:** Drugo pitanje je glasilo da li su dostavljeni prijedlozi sastava komisija koje smo dobili u materijalima prije sjednice u skladu sa članom 36.stav 1 Poslovnika.

**Emina Hasanić:** Ne razumijem u kojem smislu, je li mislite na omjer stranački pristup. S obzirom, da niste dostavili prijedloge za imenovanje, niste dostavili kada je komisija tražila. S obzirom da u članu 36. Poslovnika o radu stoji stranački sastav radnih tijela, stav 3. kaže imenovanje stalnih radnih tijela i broj članova predlaže Komisija za izbor i imenovanje nakon prethodno obavljenih konsultacija sa političkim strankama i koalicijama zastupljenih u Vijeću a Odluku donosi Vijeće. Ni u jednom ovdje stavu člana 36. ne stoji da se mogu prijedlozi dostaviti na samoj sjednici Vijeća, nego da se prijedlozi dostavljaju Komisiji za izbor i imenovanje.

**Predsjedavajuća Aida Bašić:** Hvala Emina, replika vijećnik Obralić.

**Vijećnik Adin Obralić (replika):** Opet nisam dobio konkretan odgovor na pitanje znači, nisam pitao za stav 3, pitam za stav 1, člana 36. Da mi samo odgovorite s pravne strane da li sastavi komisija su u skladu sa članom 36. stav 1.

**Predsjedavajuća Aida Bašić:** Hvala.

**Emina Hasanić:** Ja prvobitno kažem kako sam i rekla da s obzirom da politička stranka SDP nije dostavila svoje prijedloge, prijedlozi koji su dostavljeni od strane Komisije prema Općinskom vijeću nisu u skladu sa stavom 1. S tim kako vi postavljate pitanje, međutim u članu 36. Poslovnika o radu stoji stav 1 da radna tijela Općinskog vijeća formiraju se prema stranačkom sastavu Vijeća u najvećoj mogućoj mjeri, ne pod obavezom nego u najvećoj mogućoj mjeri.

**Predsjedavajuća Aida Bašić:** Vijećnik Abdurahmanović izvolite.

**Vijećnik Adis Abdurahmanović:** Evo ja ću se samo nadovezati, prvo da vas pozdravim pošto prvi put izlazim za govornicu i kolega Adin Obralić postavlja pitanje i naravno znači neučešćem SDP vijećnika ni jedan nije zastupljen ali stav 3. kaže imenovanje stalnih radnih tijela i broja članova predlaže Komisija za izbor i imenovanja nakon prethodno obavljenih konsultacija sa političkim strankama i koalicijama zastupljenim u Vijeću a Odluku donosi Vijeće. Meni je zaista žao ali znači Komisija je stupila u kontakt sa SDP-om, to što ste vi imali tehničkih problema ili kakvih već problema pa niste dostavili. Ako bi vi sada kao što ste dostavili ovdje znači kršimo ovo predlaže Komisija za izbor i imenovanja nakon prethodno obavljenih konsultacija sa političkim strankama. Znači, bez konsultacija ikakvih predlažete na samoj sjednici mislim da niste upravo.

**Predsjedavajuća Aida Bašić:** Hvala lijepo, vijećnik Šehić izvolite.

**Vijećnik Senad Šehić:** Dakle član 36. stav 1. radna tijela Općinskog vijeća formiraju se prema stranačkom sastavu Općinskog vijeća u najvećoj mogućoj mjeri. Slažem se u najvećoj mogućoj mjeri. Prijedloge za članove radnih tijela podnose političke stranke koje participiraju u Općinskom vijeću. Imenovanje stalnih radnih tijela i broj članova predlaže komisija stav 3. izbor i imenovanje nakon prethodno obavljenih konsultacija sa političkim strankama i koalicijama zastupljenim u Vijeću a Odluku donosi Vijeće. S nama niko nije obavio konsultacije o tome govorim. Dakle, ako nismo bili, ako nismo dobili mail ne znam s kim ste vi obavili konsultacije. Druga stvar, stav komisije je kao i svaki put do sada neobavezujući, dakle još jednom ponavljam Vijeće donosi Odluku. Drugo, na šta se komisija konkretno pozvala kada je određivala vremenske rokove isto tako komisija je mogla reći imate 3 dana roka, jel tako? Jeste. Još jednom samo s kim ste vi stupili u kontakt i konsultovali se kada je SDP u pitanju.

**Predsjedavajuća Aida Bašić:** Hvala Senade, vijećnik Firuz izvolite.

**Vijećnik Firuz Galijašević:** Evo koliko sam shvatio gospođu Hasanić kada je rekla vezano za rokove to je bilo prije tri izlaska, kada je bilo vezano za rokove podnošenje prijave i rekli ste komisija je smatrala, kako može komisija smatrati. Valjda Općinsko vijeće donosi Odluku da je to bilo komisija ima tačno kako mora se odraditi. Ne može komisija smatrati, tako da 100 % smo ispravno dostavili svoje prijedloge na vrijeme a što se tiče same komisije isto tako može napraviti sada pauzu ne bi joj to bilo prvi put da sada zasjeda i da donese Odluku ispravnu i u skladu sa Poslovníkom.

**Predsjedavajuća Aida Bašić:** Hvala lijepo. Vijećnik Smailović izvolite.



**Vijećnik Almin Smatlović:** Iskoristio bih priliku da pozdravim sve prisutne. Ja sam bio u službi kod Vas, kada je nastao onaj vakum da nismo imali predstavnika našeg u Komisiji za izbor i imenovanje. Meni je Emina jel tako rekla da se ja čujem sa Eldisom privatno da porazgovaramo vezano za komisije, međutim ja sam rekao da nismo dobili službeno ništa i volio bih da nam se pošalje poziv da razmatramo taj dio. Mislim da ovo ni u kom slučaju nije nikakvo politiziranje, došlo je do određenih tehničkih problema i samo je to razlog zbog čega smo odlučili da prijedloge za komisije damo na samoj sjednici i to je to. Hvala.

**Predsjedavajuća Aida Bašić:** Hvala lijepo, javljam se za riječ.

**Vijećnica Aida Bašić:** Evo ovako pošto ste podugo raspravljali na ovu temu želim da konstatujem par stvari. Vijećnik Firuz, Almin Smatlović evo sada je upravo rekao da je razgovarao sa Eminom, znači, ipak ste imali informaciju. Tehnički problemi, mail se može vidjeti i putem mobilnih telefona, to danas svi aposlutno svi radimo. Ja ne mogu da vjerujem da vi jedini kao najveća politička partija niste mogli vidjeti mail koji vam je pristigao jednom, pa još jednom, zaista mislim van svake pameti. Druga stvar, sve stranke koje su dostavile na vrijeme svoje prijedloge komisija zasjedala jednom, pa još jednom, pa mi to sve platili jednom pa još jednom sve je to bilo uludo jer naprosto SDP je imao tehničkih problema. Šta sada trebamo raditi, možda sada svi ponovo da svoje prijedloge šaljemo. Evo svi ćemo sada mi slati prijedloge pa komisija neka ponovo zasjeda pa ponovo neka se priprema materijal. Postoje neka pravila koja se treba ispoštovati a pravilo je bilo da dostavite svoje prijedloge. Još nešto želim da kažem da sam ja na samom Kolegiju postoji u zapisniku sa sjednice Kolegija pitala predsjednika kluba SDP-a zašto niste jedini poslali, jer zaista smo željeli da uvažimo SDP u skladu sa vijećnicima koji su unutar Općinskog vijeća. Rekao mi je i to mogu svi potvrditi koji su bili da je naknada mala, da jednostavno neko ko bi bio u komisiji iz Kopica, recimo za 30,00 KM on ne može da dođe u Maglaj jer činjenica je sve je skupo, karta skupa, gorivo skupo itd, s čime sam se ja složila i rekla da je tako i konstatovala sam tada na sjednici Kolegija da šta bi bilo da smo mi svi tako razmišljali. Da ni jedna politička partija u tom slučaju ne bi poslala imena za ove komisije koje danas imamo u materijalima. Znači, to je istina i to je tačno i to mogu svi potvrditi koji su bili na sjednici Kolegija. Hvala lijepo.

**Vijećnik Firuz Galijašević (replika):** Da jesam to rekao na Kolegiju i sve je tačno što je rečeno ali to je bilo nakon svega onoga što sam rekao da smo imali tehničkih problema i da ćemo svoje prijedloge dostaviti na sjednici Vijeća i onda sam naravno i to između ostalog i to rekao na kraju. To nije bio razlog zašto mi nismo dostavili, pravi razlog je bio ovo, ovo je možda bilo poslije onako malo opravdanje za drugi.

**Predsjedavajuća Aida Bašić:** Hvala. Vijećnik Senad izvolite.

**Vijećnik Senad Šehić:** Dakle, o ovome o čemu je Almin govorio, dakle i dalje smatram to jeste mi smatramo da nisu bile političke konsultacije. Čovjek je svratio u službu da pita za vakum šta radimo u ovom slučaju. Izgubili smo kontakt preko člana Komisije za izbor i imenovanje, dakle opet još jednom nikakve političke konsultacije niste imali sa SDP-om. Evo možda za vas zvuči čudno ali kod nas stranačkim e-mailom upravlja samo politički sekretar stranke ima te ovlasti, nemamo mi to na mobitelima. Znači, jedna čovjek ima ovlasti da naravno uz predsjednika koji je također bio spriječen. Dakle, ovo o čemu govorite ove komunikacije sa Firuzom ne znam s kim još, to su dakle sve nekakve nezvanične komunikacije.

**Predsjedavajuća Aida Bašić:** Senade, oprostite Kolegij nije nezvanična informacija, to je i zapisnički konstatovano, znači, nemojte govoriti da je nezvanično ovo što je Smatlović pričao to možemo reći da je nezvanično.

**Vijećnik Senad Šehić:** Firuz Galijašević je jedan od članova organa stranke,

**Predsjedavajuća Aida Bašić:** Predsjednik kluba i nije nezvanično, zvanično je.

**Vijećnik Senad Šehić:** Predsjednik kluba ali u našoj stranci ne donosi Klub vijećnika najvažnije odluke.

**Predsjedavajuća Aida Bašić:** Imali ste informaciju.



**Vijećnik Senad Šehić:** Mi je službeno nismo dobili.

**Predsjedavajuća Aida Bašić:** Mail je služben.

**Vijećnik Senad Šehić:** Imate većinu donesite odluku, prekršite Poslovnik nikakav nije problem. Još jednom ću vam samo napomenuti kada ste kriterije usvajali na samoj sjednici i kreirali i za Dom zdravlja Upravni odbor i na kraju krajeva dali kandidate, što ne bi i ovo.

**Predsjedavajuća Aida Bašić:** Hvala lijepo, vijećnik Kusr izvolite.

**Vijećnik Eldis Kusr:** Ovo prelazi kao isto u onu neku parodiju. Kolega Almine, kolega Senade, kolega Firuze, formalno i neformalna komunikacija mi smo vama dva puta poslali e-mailom. Usmeno smo govorili jesmo. Ovo što govori kolega Almin za službu postupio je nije uradio ako je formalno/neformalno međutim ne možete tvrditi da niste znali, da ste dobili poziv, to jeste zahtjev komisije kada je meni kolega Almin vijećnik hoće li sada potvrditi ili neće, prije toga vraćajući se iz grada mi je kazao da će on biti predložen za Komisiju za izbor i imenovanje ispred SDP-a, zato što je Senad Šehić dao ostavku, ja nisam znao u tom momentu da je dao ostavku. Ni u jednom momentu ne možete reći da se mi nismo s vama konsultovali. Sve partije, to jeste politički subjekti su dobili e-maileve, odgovorili na vrijeme, tako da bezveze se raspravljamo oko toga i tvrdnje su te da ste vi konsultovani, da smo sve uradili shodno Poslovniku o radu i da ste znali ali ste htjeli danas da napravite malo cirkus.

**Predsjedavajuća Aida Bašić:** Hvala Eldise, vijećnik Mirza Mešić.

**Vijećnik Mirza Mešić:** Pozdravljam sve prisutne u Sali i putem malih ekrana. Čitat ću samo zapisnik sa Kolegija gdje piše Firuz Galijašević, predsjednik Kluba SDP-a: Pa eto nismo uspjeli, nismo uspjeli iz nekog prostog razloga što smo možda ispada smiješno ali premala nam je stvarno cifra za jednog člana komisije ako uzmemo u obzir da on treba, uzet ću primjer iz Kopica koji su možda i najudaljenije. Što znači da ste znali. Idemo dalje, On treba potrošiti 20-tak maraka, odvojiti sat-dva ako radi od toga, da bi dobio 30. Ja sam to govorio i u prošlom mandatu ali nije pilo vode. Zato nam se nisu komisije ni sastajale, zato što je premalo zato nisu ljudi dolazili na komisije, jer je stvarno premala cifra 30 maraka, pogotovo u ovim političkim opcijama koji imaju još i plaćaju 10 % prema svojoj političkoj opciji. Tako da kod nas je 27, znači nije ni 30. Ovo je znači predsjednik Kluba SDP-a Firuz Galijašević izjavio na Kolegiju Općinskog vijeća, koji nije formalan gospodine Šehiću.

**Predsjedavajuća Aida Bašić:** Koji je formalan. Hvala lijepo. Firuz izvolite.

**Vijećnik Firuz Galijašević:** Ma ja nisam rekao ništa da to nije tačno, sve je to tačno što je zapisano i to je 100 % uredu ali Kolegij je bio 16.01. i mi smo to saznali kasnije, komisija je poslala kada 13-tog zasjedala je 14-tog. 16-tog je Kolegij bio i ja sam znao i znao sam da ne možemo dostaviti prije prijedloge i rekao sam na samom Kolegiju da ćemo ih dostaviti na samoj sjednici Vijeća.

**Predsjedavajuća Aida Bašić:** Hvala. Vijećnik Arif, izvolite.

**Vijećnik Arif Mujkanović:** Upravo sam ovo htio zadnje riječi Firuzove što je rekao, slažem se sa tim ali da je na Kolegiju isto rekao i upoznao vas je predsjedavajuća da će na samoj sjednici iznijeti te prijedloge. Znači, ako je bilo dobre volje onda se moglo da se zna da će SDP donijeti i imati svoje prijedloge i da se drži u znaku dobrog poštovanja političkih kolega s druge strane koji su rekli da će dostaviti na samoj sjednici, to se trebalo ispoštovati onu kvotu kao najjača politička partija otprilike 35 % Vijeća, znači svjesno ste zanemarili. Znači, čuli ste složio se i on sa vašim a i vi ste također sa njegovim izlaganjima. Znači, nije da niste znali, znali ste na sjednici samoj Vijeća se smije predlagati. Molim vas da pogledate Emína da li se može na samoj sjednici predlagati. Ja tvrdim da može.

**Predsjedavajuća Aida Bašić:** Hvala lijepo. Da li ima više vijećnika za diskusiju? Ukoliko nema, načelnik se javio, gospodin Maid Suljaković.

**Maid Suljaković, Općinski načelnik:** Evo ja koristim priliku da selamim i pozdravim sve prisutne. Mislim da se ova tačka odužila više nego što je to bilo i potrebno. Jasan je Poslovnik o radu, jasan je i član 36. kolega Adine i u stavu 2. navedenog člana stoji da prijedlog za članove radnih tijela podnose političke stranke. Znači, ne podnose vijećnici Općinskom vijeću nego podnose političke stranke. U ovom slučaju političke stranke su poslale prijedloge ali svakako ste vi

kao najveće tijelo da donosite odluke. Vi ovdje možete donijeti Odluku da ne prihvatate te prijedloge komisije ili prihvatate. Ukoliko bi pustili da vijećnici predlažu na sjednici, mi time kršimo Poslovnik odnosno kršimo član 36. stav 2 u kojem tačno stoji ovo što sam kazao. Pored toga, kada su u pitanju političke konsultacije koje se odvijaju, ja bih zamolio evo kolegu Šehića obzirom da sam i ja bio u prethodnom mandatu na koji način ste vi vršili političke konsultacije sa drugim strankama evo konkretno sa SDA, mislim da je bilo isključivo putem e-maila i da je to sasvim zvaničan poslovan način komunikacije. Žao mi je da je došlo do ovoga mada mislim da u tom trenutku niste imali spremna imena i da su sada sve ovo izgovori za navedeno stanje. Pored toga, pričali ste o broju dana koji je potreban da se ostavi političkim partijama, obzirom da to ni Statutom, ni Poslovnikom nije jasno definisano a da se Poslovnikom navodi da predsjednik Komisije u saradnji sa svoji zamjenikom organizuje rad komisije a organizacija rada komisije se odnosi i na dane koje oni odrede za dostavu prijedloga. Hvala.

**Predsjedavajuća Aida Bašić:** Hvala načelnice, vijećnik Firuz.

**Vijećnik Firuz Galijašević:** Da ovaj član 36. stav 2. prijedlog članova radnih tijela podnose političke stranke koje participiraju u Općinskom vijeću. Na ovom mom papiru i pročitao sam i koji sam dostavio predsjedavajućoj Vijeća piše prijedlozi SDP-a za članove komisija Općinskog vijeća Maglaj, nestoji prijedlog Kluba vijećnika, ne stoji prijedlog Firuza Galijaševića nego prijedlog SDP-a. Znači, i tu smo ispoštovali član.

**Predsjedavajuća Aida Bašić:** Niste ispoštovali, jer ste dostavili predsjedavajućoj Općinskog vijeća a tu stoji da se dostavlja Komisiji za izbor i imenovanje a ne predsjedavajućoj.

**Vijećnik Firuz Galijašević:** Ja sam Vama dao taj papir.

**Predsjedavajuća Aida Bašić:** Dali ste meni a ne Komisiji, nije opečaćeno, nije potpisano itd itd. formalnih nedostataka more. Nije opstrukcija nego govorim da se ne može meni dostaviti. Hvala, evo nadam se, vijećnik Obralić replika izvolite.

**Vijećnik Adin Obralić (replika):** Zahvaljujem se još jednom. Zahvaljujem se na odgovoru predstavniku službe Općinskog vijeća koja nam je vrlo jasno potvrdila da nismo povrijedili Poslovnik, da ne postoji jasno definisani rokovi za dostavljanje ovih prijedloga, tako da ne vidim stvarno u čemu smo mi pogriješili ali eto što se kaže zahvaljujem se još jednom na ovakvoj raspravi i ovom svemu.

**Predsjedavajuća Aida Bašić:** Hvala lijepo. Ukoliko nema više diskutacija, zaključujem raspravu i pauza na zahtjev Kluba SDP-a, izvolite. Možemo nastaviti nakon pauze. Preći ćemo na glasanje, imali smo prijedlog od Komisije za izbor i imenovanje da se sastavi samih komisija glasa u paketu da ne idemo pojedinačno, da glasamo u paketu. Ovaj prijedlog da se glasa u paketu ću staviti na glasanje. Ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

**Glasalo protiv:** Damir Bašić, Firuz Galijašević, Jasmin Đubera, Samir Fetić, Eldin Mehinić, Arif Mujkanović, Adin Obralić, Almin Smailović, Senad Šehić (SDP), Kenan Burić (NARIJED BH).

**Uzdržanih:** Nema.

Vijećnik Selver Mahmić van sale za vrijeme glasanja.

**Predsjedavajuća Aida Bašić:** Konstatujem da je ovaj prijedlog dobio potrebnu većinu, te ćemo glasati u paketu ali prije toga ću pročitati sastave svake komisije pojedinačno. Rješenje o imenovanju Komisije za statutarne pitanja, Poslovnik i propise, imenuje se Komisija za statutarne pitanja, Poslovnik i propise Općinskog vijeća Maglaj u sastavu Sabahudin Salkanović, predsjednik, Reuf Husejnović, zamjenik predsjednika, Ervina Muminović član, Haris Avdić, član i ovdje treba ispraviti znači Adisa Mehinić, član. Rješenje o imenovanju Komisije za pitanja mladih ravnopravnost spolova, imenuje se komisija u sastavu Alma Jusufbašić, predsjednica, Selma Bradarić, zamjenica, Biserka Muhić, član, Anida Hasanić, član, Suvada Topčić, član. Rješenje o imenovanju Komisije za društvene odnose, odnose sa vjerskim zajednicama, boračko,

invalidska i socijalna pitanja, imenuje se komisija u sastavu Jasmina Hasanić, predsjednica, Senada Salkanović, zamjenica, Emīna Pepelar, član, Mustafa Bešić, član, Nedim Sejmenović, član. Rješenje o imenovanju Komisije za obrazovanje, nauku, kulturu i sporti. Imenuje se komisija u sastavu Asmira Bašić, predsjednica, Adis Kovačević, zamjenik, Sabahudin Hatičić, član, Adin Spahić, član, Amina Kusur, član. Rješenje o imenovanju Komisije za poljoprivredu, vodoprivredu i šumarstvo, imenuje se komisija u sljedećem sastavu Elvir Ćamić, predsjednik, Eda Serhatlić, zamjenica, Vahida Jašić, član, Mehmedalija Husić, član, Muhidin Dubravica, član. Rješenje o imenovanju Komisije za zaštitu ljudskih prava, predstavke i priužbe građana, imenuje se komisija u sljedećem sastavu Nerminka Pašić, predsjednica, Ramiz Mašić, zamjenik, Belmin Ćakrama, član, Marija Jakovljević, član, Elinir Fermić, član. Rješenje o imenovanju Komisije za privredu, prostorno uređenje, urbanizam i zaštitu okoliša, imenuje se komisija u sljedećem sastavu Nesib Serhatlić, predsjednik, Bajrudin Skula, zamjenik, Ajla Isić, član, Fikret Halilović, član, Amir Alibajraktarević, član. Rješenje o imenovanju Komisije za obilježavanje značajnih događaja i ličnosti iz historije Maglaja, imenuje se komisija u sljedećem sastavu Nedžad Ahmetbegović, predsjednik, Rahman Kapić, zamjenik, Rahman Skejić, član, Osman Mehinagić, član, Ferzada Meškić, član. Rješenje o imenovanju Komisije za zaštitu kulturno historijskog i privrednog naslijeđa i turizam, imenuje se komisija u sljedećem sastavu Vasva Smajlović, predsjednica, Aida Hadžić, zamjenica, Nermīn Husukić, član, Berin Čičkušić član, Amina Hasanić, član. Rješenje o imenovanju Etičke komisije časti, imenuje se komisija u sljedećem sastavu Benisa Hasić, predsjednica, Suada Hodžić, zamjenica, Damir Dellić, član, Mirela Kulaš, član, Zemka Jamaković, član, Irena Banović, član, Muharem Serhatlić, član. Rješenje o imenovanju Komisije za dodjelu javnih priznanja, imenuje se komisija u sljedećem sastavu, Mehmed Mustabašić, predsjednik, Safet Dedić, zamjenik predsjednika, Cvrčković Admir, član, Remzija Kadušić, član, Jusuf Bašić, član. Rješenje o imenovanju Komisije za utvrđivanje tržišne vrijednosti na imovinu, naslijeđe i poklon, imenuje se komisija u sljedećem sastavu Edin Kalaba, predsjednik, Senaid Handžić, član i Ramiza Kapić, član. Rješenje o imenovanju Komisije za procjenu prometne vrijednosti nekretnina, imenuje se komisija u sljedećem sastavu Enisa Hatičić, predsjednik, Erna Hadžić, član, Amir Krpić, član. Rješenje o imenovanju Drugostepene stručne komisije, imenuje se komisija u sljedećem sastavu, Armīna Agić, predsjednica, Enes Heldovac, član, Ibrahim Džafić, član. Evo nakon što sam pročitala komisije, dat ćemo na glasanje a prije toga pauza na zahtjev Kluba SDA. Nastavljamo dalje, prije samog glasanja došlo je do tehničke greške kada sam čitala jednu od komisija, Rješenje o imenovanju Komisije za utvrđivanje tržišne vrijednosti na imovinu, naslijeđe i poklon. Imenuje se komisija u sljedećem sastavu Ermina Hajdić, predsjednica, Edin Kalaba član i Ramiza Kapić, član. Tako je i u materijalu, kod mene je bila greška. Nakon što ste čuli prijedloge za sastav komisija i obzirom da smo se izjasnili da ćemo glasati u paketu, evo sve pročitano stavljam na glasanje. Ko je za?

**Glasalo za:** Adis Abdurahmanović, Eldin Pehrat, Armīna Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

**Glasalo protiv:** Damir Bašić, Firuz Galijašević, Jasmin Đuhera, Samir Fetić, Eldin Mehinagić, Arif Mujkanović, Adin Obralić, Selver Mahmić, Almin Smailović, Senad Šehić (SDP), Kenan Burić (NARIJED BH),

**Uzdržanih:** Nema.

Konstatujem da je tačka 7. dobila potrebnu većinu i da smo imenovali sve komisije koje se nalaze u materijalu.

## ZAKLJUČAK

7.1.a. Donosi se Rješenje o imenovanju Komisije za statutarna pitanja, Poslovnik i propise u sastavu: Sabahudin Salkanović predsjednik, Reuf Husejnović zamjenik predsjednika, Ervina Muminović član, Haris Avdić član i Adisa Mehinagić član.

### ZAKLJUČAK

7.1.b. Donosi se Rješenje o imenovanju Komisije za pitanje mladih i ravnopravnost polova u sastavu: Alma Jusufbašić predsjednica, Selma Bradarić zamjenica predsjednice, Biserka Muhić član, Anida Hasanić član i Suvada Topčić.

### ZAKLJUČAK

7.1.c. Donosi se Rješenje o imenovanju Komisije za društvene odnose, odnose sa vjerskim zajednicama, boračko-invalidska i socijalna pitanja u sastavu: Jasmina Hasanić predsjednica, Senada Salkanović zamjenica predsjednice, Emina Pepelar član, Mustafa Bešić član i Nedim Sejmenović član.

### ZAKLJUČAK

7.1.d. Donosi se Rješenje o imenovanju Komisije za obrazovanje, nauku, kulturu i sport u sastavu: Asmira Bašić predsjednica, Adis Kovačević zamjenica predsjednice, Sabahudin Hatičić član, Adin Spahić član i Amina Kusur član.

### ZAKLJUČAK

7.1.e. Donosi se Rješenje o imenovanju Komisije za poljoprivredu, vodoprivredu i šumarstvo u sastavu: Elvir Čamić predsjednik, Eda Serhatlić zamjenica predsjednika, Vahida Jašić član, Mehmedalija Husić član i Muhidin Dubravica član.

### ZAKLJUČAK

7.1.f. Donosi se Rješenje o imenovanju Komisije za zaštitu kulturno-historijskog i privrednog naslijeđa i turizma u sastavu: Vasva Smajlović predsjednica, Aida Hadžić zamjenica predsjednice, Nermin Husukić član, Berin Čičkušić član i Amina Hasanić član.

### ZAKLJUČAK

7.1.g. Donosi se Rješenje o imenovanju Komisije za privredu, prostorno uređenje, urbanizam i zaštitu okoliša u sastavu: Nesib Serhatlić predsjednik, Bajrudin Skula zamjenik predsjednika, Ajla Isić član, Fikret Halilović član i Amir Alibajraktarević član.

### ZAKLJUČAK

7.1.h. Donosi se Rješenje o imenovanju Komisije za obilježavanje značajnih događaja i ličnosti iz historije Maglaja u sastavu: Nedžad Ahmetbegović predsjednik, Rahan Kapić zamjenik predsjednika, Rahman Skejić član, Osman Mehinagić član i Ferzada Meškić član.

### ZAKLJUČAK

7.1.i. Donosi se Rješenje o imenovanju Komisije za zaštitu ljudskih prava, predstavke i pritužbe građana u sastavu: Nerminka Pašić predsjednica, Ramiz Mašić zamjenik predsjednika, Belmin Čakrama član, Marija Jakovljević član i Elmir Ferić član.

### ZAKLJUČAK

7.1.j. Donosi se Rješenje o imenovanju Etičke komisije časti u sastavu: Benisa Hasić predsjednica, Suada Hodžić zamjenica predsjednice, Damir Delić član, Mirmela Kulaš član, Zemka Jamaković član, Irena Banović član i Muharem Serhatlić član.

### ZAKLJUČAK

7.1.k. Donosi se Rješenje o imenovanju Komisije za dodjelu javnih priznanja u sastavu: Mehmed Mustabašić predsjednik, Safet Dedić zamjenik predsjednika, Admir Cyrčković član, Remzija Kadušić član i Jusuf Bašić član.

### ZAKLJUČAK

7.1.l. Donosi se Rješenje o imenovanju Komisije za utvrđivanje tržišne vrijednosti na imovinu, naslijeđe i poklon u sastavu: Ermina Hajdić predsjednica, Edin Kalaba član i Ramiza Kapić član.

### ZAKLJUČAK

7.1.m. Donosi se Rješenje o imenovanju Komisije za procjenu prometne vrijednosti nekretnina u sastavu: Enisa Hatičić predsjednica, Erna Hadžić član i Amir Krpić član.

### ZAKLJUČAK

7.1.n. Donosi se Rješenje o imenovanju Drugostepene stručne komisije u sastavu: Armina Agić predsjednica, Enes Heldovac član i Ibrahim Džafić član.

- AD – 8: a) Prijedlog Rješenja o razrješenju člana Komisije za izbor i imenovanja  
b) Prijedlog Rješenja o imenovanju člana Komisije za izbor i imenovanja

**Predsjedavajuća Aida Bašić:** Prelazimo na tačku 8. Prijedlog Rješenja o razrješenju člana Komisije za izbor i imenovanja. Otvaram raspravu. Doktor Ramić izvolite.

**Vijećnik Elmedin Ramić:** Što se tiče tačke 8 a) Prijedlog Rješenja o razrješenju člana Komisije za izbor i imenovanja. S obzirom da je gospodin Senad Šehić iz Kluba SDP-a, koji je član Komisije za izbor i imenovanje 03.01.2025. godine podnio ostavku a kao razlog naveo nemogućnost prisustva sjednicama komisije zbog poslovnih obaveza, Komisija za izbor i imenovanja je dostavila Prijedlog Rješenja o razrješenju člana Komisije za izbor i imenovanja i Klub vijećnika SDA ostaje samo da prihvati ostavku gospodina Šehića.

**Predsjedavajuća Aida Bašić:** Hvala lijepo. Vijećnik Burić izvolite.

**Vijećnik Kenan Burić:** Ja bih opet oko ovih famoznih mailova, samo se nadovezao. Pitao bih opet gospodina Eldisa Kusura pošto ovdje s obzirom da SDP nije dostavila prijedlog Komisija za izbor i imenovanje da je zatražila od političkih stranaka da dostave svoje prijedloge, mi taj mail nismo dobili. Možda ne bi nikog ni predložili, samo me zanima zašto stranka NAPRIJED nije dobila mail taj.

**Predsjedavajuća Aida Bašić:** Vijećnik Kusur izvolite.

**Vijećnik Eldis Kusur:** Prijedlog to jeste ostavka kolege Šehića je došla pismenim putem i mi kao Komisija smo mogli samo konstatovati i primiti tu ostavku k znanju. Znači, mi nismo nadležni da odlučujemo o prihvatanju ostavke gospodina Šehića to je predložilo Općinsko vijeće. Na prvoj redovnoj sjednici Općinskog vijeća izabrana je Komisija za izbor i imenovanje gdje je bio gospodin Šehić član ispred SDP-a predložen i Općinsko vijeće je izglasalo tu komisiju i mi smo 06.01. kada smo slali svim političkim partijama to jeste kada smo slali SDP-u da se popravim to 13.01. da dostavi prijedloge za radna tijela u Općinskom vijeću u tom dokumentu napisali pošto je njihov bio član ispred SDP-a, u toj komisiji da ispoštujemo to do kraja, napisali da dostave do 13.01. i prijedlog za novog člana komisije kako bi se moglo danas na ovoj sjednici razmatrati. Ovo je jedina komisija gdje mi ne možemo o sebi, nadležnost na ovoj komisiji ima Vijeće i onoga imenuje. Tako da mi nismo nadležni da prihvatimo ovu ostavku, nego danas je u proceduri i njima smo poslali zahtjev za prijedlog. Nismo ostalim političkim partijama ni slali, samo smo SDP-u poslali da dopune tog nedostajućeg člana kako bi danas Vijeće moglo da završi taj dio posla bez

obzira što nije ostavka od gospodina Šehića prihvaćena, nego će se danas prihvatiti na ovoj sjednici.

**Predsjedavajuća Aida Bašić:** Hvala lijepo, da li se još neko javlja za diskusiju? Ukoliko nema više diskutata, zatvaram raspravu te Rješenje o razrješenju člana Komisije za izbor i imenovanje stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), amir Bašić, Firuz Galijašević, Jasmin Đuhara, Samir Fetić, Eldin Mehinagić, Arif Mujkanović, Adin Obralić, Selver Mahmić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili 8 a).

**Predsjedavajuća Aida Bašić:** Prelazimo na 8 b) Prijedlog Rješenja o imenovanju člana Komisije za izbor i imenovanja. Otvaram raspravu, vijećnik Firuz Galijašević.

**Vijećnik Firuz Galijašević:** Naš prijedlog, prijedlog Kluba SDP za člana Komisije za izbor i imenovanje je Almin Smailović.

**Predsjedavajuća Aida Bašić:** Hvala lijepo, pauza na zahtjev Kluba SDA. Nastavljamo dalje, rasprava je otvorena. Da li se neko javlja za diskusiju, doktor Ramić izvolite.

**Vijećnik Elmedin Ramić:** Ovako tačka 8 b) Prijedlog Rješenja o imenovanju člana Komisije za izbor i imenovanje. Pošto znamo da je gospodin Šehić dao ostavku evo sada je i prihvaćena ta ostavka, Komisija za izbor i imenovanje je aktom 02-45-1-1976-2/24 od 06.01.2025. godine tražila od OO SDP-a da dostavi ime novog člana. Do sada ga nije dostavila ali evo gospodin Firuz Galijašević je predložio novog člana za ovu komisiju, kolegu Almina Smailovića pa će Klub SDA prihvatiti prijedlog.

**Predsjedavajuća Aida Bašić:** Hvala lijepo, da li se još neko javlja za riječ. Nema više diskutata, zaključujem raspravu, te tačku 8 b), ustvari prije toga imali smo prijedlog za člana Komisije za izbor i imenovanje i koji je došao od Kluba SDP-a da to je da član da bude Almin Smailović. Ko je za ovaj prijedlog?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), amir Bašić, Firuz Galijašević, Jasmin Đuhara, Samir Fetić, Eldin Mehinagić, Arif Mujkanović, Adin Obralić, Selver Mahmić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Nema.

**Predsjedavajuća Aida Bašić:** Konstatujem da smo prijedlog usvojili, te konstatujem i staviti ću ponovo bez obzira što smo prijedlog usvojili Prijedlog Rješenja o imenovanju člana Komisije za izbor i imenovanje i sada sa tačnim imenom i prezimenom, dakle Almin Smailović se imenuje za člana Komisije za izbor i imenovanje. Ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), amir Bašić, Firuz Galijašević, Jasmin Đuhara, Samir Fetić, Eldin Mehinagić, Arif Mujkanović, Adin Obralić, Selver Mahmić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Nema.

**Predsjedavajuća Aida Bašić:** Konstatujem da smo tačku 8b) jednoglasno usvojili. Vijećnik Kusur kratko izvolite.

**Vijećnik Eldis Kusur:** Pa ništa samo da kolegi Alminu da čestitam rad sa nama u komisiji i molim ga samo da Eminu dostavi kanal komunikacije sa nama da se ne dešavaju ove stvari da ne dobije poziv za sjednicu, tako da dostavi u službu formalno kanal kojim ćemo sa njim komunicirati i to je to.

**Predsjedavajuća Aida Bašić:** Hvala lijepo.

## ZAKLJUČAK

8.1.a. Donosi se Rješenje o razrješenju člana Komisije za izbor i imenovanja, kojim se Senad Šehić razrješava dužnosti člana Komisije za izbor i imenovanja.

## ZAKLJUČAK

8.1.b. Donosi se Rješenje o imenovanju člana Komisije za izbor i imenovanja, kojim se Almin Smailović imenuje za člana Komisije za izbor i imenovanja.

**AD -9: Prijedlog Rješenja o razrješenju člana Upravnog odbora Javne ustanove „Centar za Socijalni rad“ Maglaj**

**Predsjedavajuća Aida Bašić:** Prelazimo na tačku 9. Prijedlog Rješenja o razrješenju člana Upravnog odbora Javne ustanove „Centar za Socijalni rad“ Maglaj. Otvaram raspravu, da li ima vijećnika za diskusiju? Radi se o razrješenju člana Jasmina Bradarića, ukoliko nema vijećnika za diskusiju, zatvaram raspravu te Prijedlog Rješenja o razrješenju člana Upravnog odbora Javne ustanove „Centar za Socijalni rad“ Maglaj, stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Amir Bašić, Firuz Galijašević, Jasmin Đuhera, Samir Fetić, Eldin Mehinagić, Arif Mujkanović, Adin Obralić, Selver Mahmić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili ovu tačku.

## ZAKLJUČAK

9.1. Donosi se Rješenje o razrješenju člana Upravnog odbora Javne ustanove „Centar za Socijalni rad“ Maglaj, kojim se Jasmin Bradarić razrješava dužnosti člana Upravnog odbora Javne ustanove „Centar za Socijalni rad“ Maglaj.

**AD -10: Prijedlog Rješenja o razrješenju člana Upravnog odbora Javne ustanove Dom kulture „Edhem Mulabdić“ Maglaj**

**Predsjedavajuća Aida Bašić:** Prelazimo na tačku 10. Prijedlog Rješenja o razrješenju člana Upravnog odbora Javne ustanove Dom kulture „Edhem Mulabdić“ Maglaj. Otvaram raspravu, ovdje se radi o Damiru Bašiću koji je podnio ostavku na ovu dužnost. Da li se neko javlja za riječ. Zatvaram raspravu te Prijedlog Rješenja o razrješenju člana Upravnog odbora Javne ustanove Dom kulture „Edhem Mulabdić“ Maglaj stavljam na glasanje, ko je za?



**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), amir Bašić, Firuz Galijašević, Jasmin Đuhera, Samir Fetić, Eldin Mehinagić, Arif Mujkanović, Adin Obralić, Selver Mahmić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili ovu tačku.

## ZAKLJUČAK

10.1. Donosi se Rješenje o razrješenju člana Upravnog odbora Javne ustanove Dom kulture „Edhem Mulabdić“ Maglaj, kojim se Damir Bašić razrješava dužnosti člana Upravnog odbora Javne ustanove Dom kulture „Edhem Mulabdić“ Maglaj.

### AD -11: Izvještaj o radu Općinskog pravobranilaštva za 2024. godinu

**Predsjedavajuća Aida Bašić:** Prelazimo na tačku 11. a to je Izvještaj o radu Općinskog pravobranilaštva za 2024. godinu. Pravobranilac je sa nama tu. Da li želite da vam se obrati kao uvodničar, evo ja Vas pozivam da nam se obratite, gospođa Čakrama je sa nama.

**Azra Čakrama:** Selamim i pozdravljam sve prisutne ovdje u ovoj prostoriji. Ispred vas se nalazi Izvještaj o radu Općinskog pravobranilaštva za proteklu godinu. Ovo je drugi izvještaj koji podnosim s tim da je naravno onaj za 2023. godinu bilo za pola godine. S obzirom na imenovanje nastojala sam u ovom Izvještaju da to bude jedan generalni izvještaj, na malo manjem broju stranica. Urađen metodološki sa nekim pristupom određenih vizija i pojašnjenja a samim tim i činjenica šta je sve to pravobranilaštvo radilo. Naravno da u ovih neki 8 stranica ne može sve da sadrži svakodnevne poslove i radne zadatke i komunikacije koje ostavrujemo i uključujemo u mnoge postupke. Dakle, ispred vas ima Izveštaj ja vam stojim na raspolaganju ukoliko smatrate da trebam nešto posebno obrazložiti i odgovoriti. Ja ću biti tu da mogu svakako odmah to i uraditi.

**Predsjedavajuća Aida Bašić:** Hvala lijepo. Vijećnik Šehić izvolite.

**Vijećnik Senad Šehić:** Nema šta evo pred nama je zaista izvještaj u kojem se viid zaista obiman posao koji je uradio naš pravobranilac, gospođa Azra Čakrama. Vide se konkretni rezultati, konkretne stvari realizovane, meni ne preostaje ništa da u ime Kluba SDP-a čestitam na ovom radu, na ovim rezultatima. Sjećam se nekih ranijih izvještaja pravobranilaca koji su dolazili na Općinsko vijeće, kada su podcjenjivali same vijećnike, pošalju nam nešto na dvije strane nemamo šta ni pročitati. Iz ovog Vašeg izvještaja je zaista vidljivo koliko ste posla uradili za kratak period. hvala Vam još jednom i iskreno za realizovanu inicijativu, također i tu vidimo rezultate koji su ostvareni i time pokazalo se da se nije radilo ni o kakvom populizmu i o tome kada su nam sugerisali da je dostatna pomoć koja se pruža ispred kantona. Evo i rezultati pokazuju da je ipak inicijativa bila na mjestu. Još jednom Vam se zahvaljujem na realizovanoj inicijativi i eto opet na samom kraju zaista kao nekakva poruka svima nama. Čestitam Vam na profesionalnom, nepristrasnom i odgovornom radu prema građanima i građankama općine Maglaj. Hvala.

**Predsjedavajuća Aida Bašić:** Hvala lijepo, da li ima još diskutanata? Vijećnik Nesib.

**Vijećnik Nesib Serhatlić:** Ja se pridružujem čestitkama, izvještaj je stvarno napravljen metodološki dobro, tačno. Pažljivo sam iščitao ovaj dokument i nemam nikakvih primjedbi. Jedino što bih ja postavio pitanje ako može da mi da sada odgovor ako ne može i pismeno, nije bitno. Da li je došlo do finansijske štete po Općinu Maglaj u 2024. godini, od pojedinih odgovornih rukovodilaca zbog činjenja ili nečinjenja u obavljanju svojih radnih zadataka, samo me to zanima.

**Predsjedavajuća Aida Bašić:** Vijećnik Abdurahmanović izvolite.

**Vijećnik Adis Abdurahmanović:** Evo ja ću ispred Kluba vijećnika SDA složiti se sa kolegom Šehićem i kolegom Serhatlićem, ovaj Izvještaj o radu je metodološki i bitno se razlikuje od dosadašnje prakse. Sadržajan je, jasno oslikava stanje riješenih i neriješenih predmeta. Oni predmeti koji nisu riješeni, tačno decidno su obrazloženi zašto i kako. Tako da će Klub SDA ovaj Izvještaj podržati.

**Predsjedavajuća Aida Bašić:** Hvala lijepo. Da li se još neko javlja za diskusiju? Ukoliko nema ja se javljam za riječ.

**Vijećnica Aida Bašić:** Čitajući Izvještaj naišla sam na jednu rečenicu pa želim da nam gospođa Azra pojasni, da li se radi, pretpostavljam da je malo rečenica nesmotreno napisana. Pravobranilaštvo je kupilo zemljište u iznosu od 234.497,48 KM, strana 3. Mislim da razumijete šta želim da kažem.

**Predsjedavajuća Aida Bašić:** Ukoliko nema više vijećnika za diskusiju, ja pozivam pravobranilaoca da da odgovore na postavljena pitanja.

**Azra Čakrama:** Ja sam zabilježila dva pitanja od gospođe predsjedavajuće i gospodina Nesiba. Što se tiče finansijskih šteta koje se mjere naravno novčanim tokovima iako su počinjenje unutar jedinstvenog organa uprave Općine Maglaj te posljedice svakako ne možemo osjetiti u januaru mjesecu. Ukoliko budu primjetne i pokažu se u budućem vremenskom periodu, naravno da ću blagovremeno poduzeti sve odgovarajuće radnje sukladno zakonu i pozitivnim propisima koji uređuju datu oblast, zloupotrebe ovlaštenja, službenog položaja itd. Ja u svom radu do sada nisam primjetila grubo kršenje propisa koje bi mogli imati štetne posljedice po Općinu Maglaj čiji sam jedini zakonski zastupnik da štitim njene interese. Što se tiče drugog pitanja predsjedavajuće, naravno da je Općinsko pravobranilaštvo pokretač svih eksproprijacija potpunih ili pak nepotpunih u određenim postupcima. Naravno da resorna Služba za urbanizam je suport Općinskom pravobranilaštvu što može rukovodilac i potvrditi prilikom eksproprijacija zemljišta, nakon proglašenja javnog interesa kao što smo to danas imali ovdje pred vama da odlučivanju. Naravno da Općinski pravobranilac nudi cijene u skladu sa procjenama koje radi ovlašteno tijelo Općinskog vijeća maloprije imenovane komisije za procjenu. U konkretnim slučajevima nekada angažujem i sudskog vještaka, ovisnosti od struke koja je potrebna za određenu parcelu, najčešći poljoprivredni ili građevinski stalni sudski vještak. Naravno da Općinsko pravobranilaštvo i nudi i kupuje i sporazum zaključuje kod imovinskog odjela u Službi za urbanizam a ugovor zaključuje Općinski načelnik pred javnim bilježnikom odnosno notarom jer je tako donesena Odluka na Vijeću i primjetit ćete na svakoj odluci u Vijeću koja se nađe na vašem razmatranju stoji da će notarsku ispravu otpisati Općinski načelnik, nije zabranjeno da to radi ni Općinski pravobranilac i naravno da kupujem zemljište sa budžetskim parama zato sam ovlaštena i to je u opisu moje nadležnosti da štitim interese. Općinski načelnik upravlja imovinom a Općinsko pravobranilaštvo je štiti na najbolji mogući način. Možda je to nesmotreno napisano u dijelu koji iritira da je pravobranilaštvo kupilo, da sa budžetskim parama.

**Predsjedavajuća Aida Bašić:** Hvala lijepo, razumjeli ste šta sam htjela reći. Ako nema više diskutanaata, pravobranilac je dao odgovor. Ja mogu da stavim da na glasanje Izvještaj o radu Općinskog pravobranilaštva za 2024. godinu, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELEN), Nesib Serhatlić (PDA), Amir Bašić, Firuz Galijašević, Jasmin Đuhera, Samir Fetić, Eldin Mehinagić, Arif Mujkanović, Adin Obralić, Selver Mahmić, Almin Smailović, Senad Šehić (SDP), Kenan Burić (NARIJED BH).

**Glasalo protiv:** Nema.

**Uzdržanih:** Nema.

Konstatujem da je tačka 11 dobila potrebnu većinu.

## ZAKLJUČAK

11.1. Usvaja se Izvještaj o radu Općinskog pravobranilaštva za 2024. godinu

**AD -12: a) Izvještaj o radu Općinske izborne komisije Maglaj za 2024. godinu  
b) Program rada Općinske izborne komisije Maglaj za 2025. Godinu**

**Predsjedavajuća Aida Bašić:** Prelazimo na tačku 12.a) Izvještaj o radu Općinske izborne komisije Maglaj za 2024. godinu i b) Program rada Općinske izborne komisije Maglaj za 2025. godinu. Otvaram raspravu. Vijećnik Perhat izvolite.

**Vijećnik Eldin Perhat:** Evo sve vas selamim i pozdravljam. U ovom Izvještaju o radu Općinske izborne komisije za 2024. godinu predstavljene su uglavnom redovne aktivnosti Općinske izborne komisije, s tim da su te aktivnosti naravno bile uvećane s obzirom da se radilo o izbornoj godini i mi u Klubu vijećnika SDA izražavamo zadovoljstvo što je cjelokupan izborni proces od raspisivanja izbora pa do utvrđivanja rezultata protekao uredno bez nekih većih problema, tako da ćemo mi ovo podržati.

**Predsjedavajuća Aida Bašić:** Hvala lijepo. Da li se još neko javlja za riječ? Pauza na zahtjev Kluba SDP-a. Nastavljamo dalje, rasprava je zaključena, stavljam na glasanje tačku 12 ) ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

**Glasalo protiv:** Nema.

**Uzdržanih:** Damir Bašić, Firuz Galijašević, Jasmin Đuhera, Samir Fetić, Eldin Mehinagić, Arif Mujkanović, Adin Obralić, Selver Mahmić, Almin Smailović, Senad Šehić (SDP).

**Predsjedavajuća Aida Bašić:** Konstatujem da smo Izvještaj o radu Općinske izborne komisije za 2024. godinu usvojili. Prelazimo na 12 b) Program rada Općinske izborne komisije Maglaj za 2025. godinu. Otvaram raspravu, zatvaram raspravu, te Program rada stavljam na glasanje, ko je za?

**Glasalo za:** Adis Abdurahmanović, Eldin Pehrat, Armina Mustabašić, Maida Burajić, Edin Salatović, Alen Ridžal, Amer Musić, Eldis Kusur, Elmedin Ramić (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

**Glasalo protiv:** Nema.

**Uzdržanih:** Damir Bašić, Firuz Galijašević, Jasmin Đuhera, Samir Fetić, Eldin Mehinagić, Arif Mujkanović, Adin Obralić, Selver Mahmić, Almin Smailović, Senad Šehić (SDP)  
Konstatujem da je Program rada dobio potrebnu većinu.

## **ZAKLJUČAK**

12.1. Usvaja se Izvještaj o radu Općinske izborne komisije Maglaj za 2024. godinu;

12.2. Usvaja se Program rada Općinske izborne komisije Maglaj za 2025. godinu.

**AD -13: Informacija o stanju na klizištu u naselju Mladoševica MZ Novi Šeher, općina Maglaj**

**Predsjedavajuća Aida Bašić:** Prelazimo na tačku 13. Informacija o stanju na klizištu u naselju Mladoševica MZ Novi Šeher, općina Maglaj. Informaciju ste dobili, gospodin Farise je tu. Želite li da se obrati? Farise, izvolite. Anto izvolite, svejedno kako ste se dogovorili. Evo uvodničar pa ćete postavljati pitanja.

**Anto Maglica:** Dobra večer, evo ovako mi smo na Kolegiju Općinskog vijeća 16.01. tekuće godine dobili zadaću da u Službi civilne zaštite napravimo jednu informaciju o dešavanjima i stanju na klizištu Mladoševica, MZ Novi Šeher općina Maglaj. Napominjem klizište Mladoševica je aktivirano u petom mjesecu 2014. godine, u tom aktiviranju klizišta u tom vremenu desila se neću reći tragedija jer nije niko stradao ali došlo je do velike materijalne štete. Pet stambenih objekata, pet familija je iseljeno ali su na adekvatan način obeštećeni, tako da su mogli da izgrade nove objekte. Znači nakon onih snježnih padavina krajem prošle godine visina sniježnog pokrivača pošto sam ja sa tog terena kod mene kuće, koji sam na 300 m nadmorske visine je bila jedno 60-70 cm. Tako da se po nalazu Geološkog zavoda iz Sarajeva uzroci nastanka ili reaktiviranja klizišta Mladoševica su dvojaki. Jedan je nekakve prirodnog toka a drugi je antropogenog, znači to je njihov Izvještaj. Naime, tlo i teren na tome dijelu i sam naziv njiva koje se zovu Jezera, Haluge itd znači, upućuje na to da je taj teren nestabilan. Isto činjenica da se na tom terenu koji je prilično veliki nije bilo izgrađeno puno ni stambenih ni pomoćnih objekata. Znači, ljudi koji tamo žive znali su kakav je to teren ali desilo se to što se desilo. Znači, nivo podzemnih voda znači sedmi na osmi prvi ove godine bio je podignut na visoku razinu tako da je teren kliznuo ponovo. Napominjem, da to klizište 2014. godine nije bilo sanirano. Bila su neka geološka ispitivanja i prijedlozi ali nije sanirano. Drugi razlog pokretanja ili reaktivacije klizišta Mladoševica je antropogeni faktor, znači, ljudi vlasnici zemljišta otprilike površine 30 dulumu 3 hektara su 2023. godine cirka oko pola godine pa možda malo i više vršili nestručno nasipanje starog klizišta u čelu na vrhu. To nasipanje je vršila firma Čengiz koja radi autocestu i koliko znam firma Čengiz nema nikakav ugovor sa Općinom, niti kakvo dopuštenje za taj rad. Ja ne želim da svaljujem krivicu ni na koga, nisam mjerodavan ali to činjenično stanje su utvrdili geolozi i naravno da su nam geolozi dali instrukcije šta raditi u prvim momentima. Znači, nakon aktivacije klizišta mi smo dobili kartu koju ste vi dobili u prilogu, klizišta Mladoševica na kojem se vidi staro klizište i ovo sada novo i može se vidjeti da je situacija u čelu klizišta identična, gotovo identična. Znam bio sam i tada prisutan i u ovoj situaciji sam tu ali je došlo do promjena u donjem dijelu klizišta u tzv. nožici gdje je došlo do njegovog širenja prema istoku i prema zapadu i prema jugu, znači prema mladoševičkom potoku, tako da je trenutno nešto veća površina u naselju Mladoševica zahvaćena ovim klizištem, tako da su geolozi procijenili da je to 15,1 hektar, znači 151 dulum. U onim instrukcijama koje su naveli šta mi kao lokalna zajednica trebamo uraditi u prvi moment jer se sada nikakvi drugi radovi ne mogu vršiti na klizištu, još se kreće. Instrukcija je bila znači izvođenje vode iz tijela klizišta niz strminu i iskopati dva ocjedna kanala kroz koje će znači na određenim dubinama, znači dubine su preko 3 m koliko sam ja razumio da se ta voda, da se nivo vode podzemne spusti što niže tako da bi se na taj način moglo izvršiti privremena stabilizacija terena. Isto tako naložili su nam da vršimo monitoring klizišta, to je uradio gospodin Faris kao geodeta, znači 20-tak tački na tom klizištu su obilježene reperima sa GPS pozicijama tako da se ne može povremeno pratiti kako se ponaša to klizište. Po instrukcijama ljudi iz Geološkog zavoda mi moramo čekati da ta voda izade iz klizišta da bi mogli poduzimati određene naravno, te radnje će biti opet uvjetovane onim što će nam napisati ljudi iz Geološkog zavoda. Znači, oni su nama rekli da će nam napraviti Elaborat klizišta Mladoševica i na osnovu tog Elaborata će se napraviti projekat za sanaciju klizišta a ako budemo u mogućnosti ili neko drugi viši nivoi itd da se izvrši sanacija tog klizišta da se to tlo stabilizuje. Napominjem, da je to tlo trenutno u takvom stanju da se na njemu ne može obavljati nikakva vrsta djelatnosti, ni poljoprivredna, ni gospodarska niti ne znam ti ni ja. Naravno da je 2014. godine je preporučeno odnosno ja sam preporučio ljudima koji su meni dolazili u Službu jer ja ne mogu ništa naložiti da se na tom terenu ništa ne smije graditi. Sada normalno do ljudi je hoće li ili neće. Uglavnom ja bih toliko sada da ne citiram sve ovo, ima ovoga prilično a imate i tu kartu tako da možete vidjeti stanje. Plavom bojom je označeno klizište iz 2014. godine a crveno je označeno sada novo aktivirano i isto tako vidite te kanale koji trebaju biti iskopani od ispod kuća Pervana dole do potoka Mladoševice i to dva kraka sa mjestimičnim ribljim kostima. Hvala lijepo.

**Predsjedavajuća Aida Bašić:** Vijećnik Mešić izvolite.

**Vijećnik Mirza Mešić:** Ja sam na Kolegiju tražio ovu Informaciju ali sam tražio informaciju da bude na cijelom području općine Maglaj jer po informacijama koje su bile bilo je još klizišta, hvala Bogu manjeg obima. Nije prijavljeno, ok ako možete odgovoriti ovdje javno da uđe u zapisnik. Na stranici Općine Maglaj koliko mogu da se sjetim je objavljeno da je jedno klizište se pojavilo iz mjesta odakle ja dolazim MZ Kosova ako imate neku informaciju o tome.

**Predsjedavajuća Aida Bašić:** Hvala vijećniku Mirzi. Anto ja bih Vas zamolila da odgovorite.

**Anto Maglica:** Koliko se sjećam na Kolegiju koji je bio prije 7 dana gospodin Mirza je rekao da bi dobro bilo da Općinsko vijeće dobije informaciju o klizištu Mladoševica. Nije bilo spominjano vjerovatno ima u zapisniku ali eto ja sam bio na Kolegiju pa možda malo sam ja stariji čovjek pa možda sam zaboravio. Što se tiče klizišta nekih da su prijavljena, te stvari se prijavljuju nama u službu, nije niko dolazio ni iz Kosove niti odakle. Zbilja nije.

**Predsjedavajuća Aida Bašić:** Hvala lijepo, da li ima više diskutiranih. Vijećnik Musić izvolite.

**Vijećnik Amer Musić:** Pozdravljam sve prisutne i ja bih prije svega iskoristio priliku da se zahvalim načelniku gospodinu Maidu Suljakoviću koji je nakon aktivacije klizišta koje je zahvatilo naseljeno mjesto Mladoševica koje pripada MZ Novi Šeher se maksimalno stavio na raspolaganje mještanima od prvog dana aktiviranja, gdje je svaki dan sa svojim saradnicima obilazio zahvaćeno područje i donosio pravovremene preventivne mjere koje su jedine bile moguće kao takve u datom momentu. Gdje je od dana aktiviranja klizišta pa sve do dan danas obavio niz sastanaka sa višim nivoima vlasti, strukom i ostalim pravnim subjektima koji imaju dodirnih tačaka sa ovom problematikom sve u cilju kako bi se pronašla što bolja rješenja za ovaj problem koji datira još od 2014 godine kada je prvi put bilo aktivno ovo klizište. Svjesni smo toga da Općina Maglaj sa svojim budžetom ne može sama riješiti ovaj problem, te da se nadamo da će viši nivoi vlasti federalna vlada, federalna i kantonalna civilna zaštita koji imaju planirana sredstva za ovakve prirodne nesreće ispuniti dana obećanja prema Općini i mještanima zahvaćenog područja kako bi se problem klizišta riješio pod navodnike trajno. Hvala.

**Predsjedavajuća Aida Bašić:** Hvala Amere. Također pridružujem se svemu što si naveo i u svoje ime se zahvaljujem Općinskom načelniku i njegovim saradnicima na čelu sa gospođicom Eldinom Mehinagić koja je zaista bila prisutna cijelo vrijeme dok je opasnost postojala. Ja se nadam da će ako Bog da se u skorije vrijeme i to smirit i riješiti i da nećemo imati ovakvih situacija u budućnosti. O informacijama se ne glasa, primamo je k znanju te konstatujem da je tačka 13. Informacija o stanju na klizištu u naselju Mladoševica MZ Novi Šeher, općina Maglaj Vijeće primilo k znanju.

## ZAKLJUČAK

13.1. Prima se k znanju Informacija o stanju na klizištu u naselju Mladoševica MZ Novi Šeher, općina Maglaj.

**Predsjedavajuća Aida Bašić:** Prelazimo na vijećnička pitanja i inicijative. Vijećnik Fetić Samir.

**Vijećnik Samir Fetić:** Pošto prvi put izlazim da vas pozdravim i pošaljam, MZ Misurići 11.01.2025. godine imala je sastanak Vijeća mjesne zajednice a i građane interesuje ova pitanja, pa evo klizište u Koreji koje još nije sanirano. Put nema alternativu, ugrožen prilaz kućama za pješake i za vozila. Potrebno je da Služba za urbanizam što prije kontaktira izvođače radova da završe započete radove, pošto je to ostalo taj dio od prošle godine. Drugo pitanje bi glasilo vodovod Hadžići ja mislim da je to u Budžetu i da nam se odgovori ta sredstva su u Budžetu i kada se planiraju aktivnosti na realizaciji projekata.

**Predsjedavajuća Aida Bašić:** Hvala lijepo. Vijećnik Mehinagić izvolite.

**Vijećnik Eldin Mehinagić:** Sve vas selamim i pozdravljam. Ja sam na prošloj sjednici se obratio vezano za udruženje dobrovoljnih davaoca krvi. Tražili su da im se obezbjedi besplatan parking jer se dešava da ljudi koji su 50 čak imamo po dvojicu po 100 x su dali krv dobivaju kazne za parkiranje na parkiralištima Maglaja, pa evo ja podnosim inicijativu da se dobrovoljni davaoci koji

su krv dali više od 10 x oslobode plaćanja parking mjesta i da se parkiralište kod Doma zdravlja znači ukine naplata parkirališta jer se dešava da ljudi koji budu 10 ili 15 minuta da li pregled ili šta ostalo moraju plaćati a to je smiješno. Desio se slučaj da je čovjek doveo mater u hitnu pa je čekao da se spremi za bolnicu a tražili su od njega da plati parking.

**Predsjedavajuća Aida Bašić:** Hvala lijepo, vijećnik Ridžal izvolite.

**Vijećnik Alen Ridžal:** Zbog povećanja saobraćaja teretnih motornih vozila gradskim saobraćajnicama tačnije ulicom I.Marta i ulicom Srebreničkih žrtava rata došlo je do značajnog oštećenja kolovoza. Glavni uzrok jeste prekoračenje najveće dozvoljene mase odnosno pretovar teretnih motornih vozila. Saobraćaj za teretna vozila gradskim saobraćajnicama jasno je definisan saobraćajnim zankovima. U gore navedenim ulicama postavljen je znak zabrana za vozila čija ukupna masa prelazi 15 t. Pozivam policijske službenike da u koordinaciji sa saobraćajnom inspekcijom vrše kontrolu teretnih motornih vozila i da postupaju u skladu sa zakonom.

**Predsjedavajuća Aida Bašić:** Hvala lijepo. Vijećnik Burić.

**Vijećnik Kenan Burić:** Ja imam jedno pitanje i jednu inicijativu koju nisam napisao ali ću je naknadno poslati mailom ako nije problem. Moje je pitanje da li se radi šta na ažuriranju Plana i programa za vremenske nepogode koje sam pitao gospodina Šahmana na prošloj sjednici, pa bih volio da mi se da odgovor. Inicijativa je da se Domu zdravlja pokuša obezbjediti aparat za mjerenje tropoina u krvi, to vjerovatno zna doktor malo bolje. Ja znam da je taj aparat veoma skup i za održavanje i za kupiti ali za dugoročno je stvarno velika prednost za Dom zdravlja da svoje pacijente ne šaljem u Tešanj i da se ispituje da li imaju srčani udar, da li je protok krvi jer broj taj tronin velik, visok. Mislim da je to jedna veoma dobra stvar za kupiti za budućnost našeg Doma zdravlja i pacijenata.

**Predsjedavajuća Aida Bašić:** Hvala lijepo. Vijećnik Obralić.

**Vijećnik Adin Obralić:** Ja imam dva vijećnička pitanja. Prvo pitanje je ponovljeno pitanje s obzirom da nisam kako kaže Poslovnik član 83.stav 2. da su služba odnosno subjekti na koje je upućeno pitanje da su dužni u roku od 30 dana najdalje odgovoriti na postavljena pitanja, pa shodno tome ponavljam pitanje koje sam postavio na prvoj sjednici a odnosi se na zimsko održavanje puteva koje glasi koji ugovor ili ugovori za zimsko održavanje nisu adekvatni i zbog čega i da li je taj nedostatak otklonjen u međuvremenu. U nadi da će se ovaj put poštovati Poslovnik i da će mi se odgovoriti. Drugo pitanje glasi nasloviu bih ga na Službu za boračko invalidsku i socijalnu zaštitu, opću upravu i društvene djelatnosti u kojoj fazi je formiranje MZ Stari Grad? Poznato je da je sa 19 glasova za usvojena Odluka o izmjenama i dopunama Statuta Općine Maglaj čime su se stvorili uslovi za formiranje ove mjesne zajednice, tako da postavljam pitanje u kojoj je fazi, dokle se došlo u procesu formiranja MZ Stari Grad. Molim pismeni odgovor.

**Predsjedavajuća Aida Bašić:** Hvala, vijećnik Mešić izvolite.

**Vijećnik Mirza Mešić:** U ime Kluba DF-a pokrećem inicijativu da nadležni organi Općine Maglaj, odnosno Služba civilne zaštite Maglaj i Općinski načelnik prisutpe izradi potom i operacionalizaciji Plana interventnih mjera slučajeva prekomjerne zagađenosti zraka na području općine Maglaj. Vlada ZDK je u skladu sa važećim zakonskim propisima i planovima zaštite okoliša u februaru 2024.godine donijela Plan interventnih mjera u slučajevima prekomjerne zagađenosti zraka na području ZDK, isti je objavljen u Službenim novinama ZDK broj: 3/24. U navedenom planu jasno je navedena obaveza da načelnici općina su dužni u roku od 4 mjeseca od objave kantonalnog plana donijeti općinske planove kako je i taj rok istekao u maju prošle godine a Općina Maglaj to jeste bivši načelnik naravno kao i sve ostalo nisu donijeli ovaj plan zato upućujemo ovu inicijativu novom Općinskom načelniku. Potreba za donošenjem i postupanjem o planu interventnih mjera u slučaju prekomjerne zagađenosti zraka nije nikad bila aktuelnija i urgentnija u Maglaju nego sada sa početkom grejne sezone. Prema podacima Instituta Kemal Kapetanović da mjerni uređaji pokazuju da je danima pa i mjesecima u zraku u Maglaju prisutna enormna količina kancerogenih i otrovnih materija, teških metala PM 10. Prisustvo PM 10 JE dozvoljeno do 50 mikrograma, u jednom satu u Maglaju se izmeri 5 x veća i danima je prisutna koncentracija koje je zvanično kvalifikovana kao opasna.

**Predsjedavajuća Aida Bašić:** Hvala lijepo. Ukoliko nema više vijećnika zaključujem 3.redovnu sjednicu Općinskog vijeća Maglaj u 19,43 sati.

Zapisničar,

Elza Gračić Skejić





